

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 10 1952

T5345/138

東坡全集

十一

東坡全集第二十二卷

西蜀後學張養正校正

耳，紹昌編刻

劉醜厮詩

劉生望都民病羸寄空空有子曰醜厮十二行操
瓢堵間得餘粒雪中拾墮樵饑飽共生死水火同
焚漂病翁恃一褐度此積雪宵。哀哉二暴客。掣去
如饑鴉。翁旣死於寒客亦易此齧崎嶇走亭長不
憚雪徑遙我仇祝與苑物色同遮邀行路爲出涕
二客竟就臬。謔訴我庭慷慨驚吾僚曰此可名
寄追配彬之蕘恨我非柳子擊節爲爾謠官賜二

哈佛大學漢利
圖書館珍藏印

萬錢無家可歸嬌爲媾他日婦婉然初垂髻洗沐
作小史裹頭束其腰筆硯耕學苑戈矛戰天驕壯
大隨所好忠孝福可徵相國有折脇封侯或吹簫
人事豈易料勿輕此僬僥

題毛女真

霧鬢風鬟木葉衣山川良是昔人非祗應閑過商
顏老獨自吹簫月下歸

寄韶合刷餅與子由

老人心事日摧頽宿火通紅手自焙小甌短餅良
具足穉兒嬌女共燔煨寄君東閣閑丞栗知我空

堂坐畫灰約束家僮好收拾故山梨棗待翁來

次韻子由清汶老龍珠丹

天公不解防癡龍玉函寶方出龍宮雷霆下索無
處避逃入先生衣袂中先生不作金椎袖玩世倘
徉隱屠酒夜光明月空自投一鍛何勞緯蕭手黃
門寡好心易足荆棘不生梨棗熟玄珠白璧兩無
求無脛金丹來入腹區區分別笑樂天那知空門
不是仙

次韻子由書清汶老所傳秦湘二女圖

春風消冰失瑤玉我本無身安有觸羊生得婦如

得風握手一笑未爲辱。先生室中無天遊佩環何處鳴風旣隨魔未必皆魔女但與分燈遣歸去胡爲寫真傳世人更要維摩一轉語丹元茅茨祗三間太極老人時往還點檢凡心早除拂方平神鞭常使物

紫團參寄王定國

谿訝土門口突兀太行頂豈惟團紫雲實自俯倒景剛風被草木真氣入茗穎舊聞人銜芝生此羊腸嶺纖撮虎豹鬣蹙縮龍蛇瘦蠢頭試小嚼龜息變方騁矧予明真子已造浮玉境清宵月挂戶半

夜珠落井灰心寧復然汗喘久已靜東坡猶故目比藥致遺秉欲持一掬根往有九轉鼎爲予置齒頰豈不賢酒茗

次韻劉燾撫句蜜漬荔支

時新滿座聞名字別久何人記色香葉似楊梅蒸霧雨花如盧橘傲風霜每憐蓴菜下鹽豉肯與蒲萄壓酒漿回首驚塵卷飛雪詩情真合與君嘗

立春日小集呈李端叔

白髮已十載青春無一堪不驚新歲換聊與故人談牛健民聲喜鴉嬌雪意酣霏微不到地和暖要

宜蠶歲月斜川似風流曲水慙行吟老燕代坐睡
夢江潭丞掾頗衰援歌呼誰怕參衰懷久灰槁習
氣尚饒貪白啖本河朔紅消真劔南辛盤得青菲
臘酒是黃柑歸卧燈殘帳醒聞葉打庵須煩李居
士重說後三三

次韻曾仲錫元日見寄

蕭索東風兩鬢華年年幡勝翦宮花愁聞塞曲吹

蘆管喜見春繁得蓼芽吾國舊供雲澤米

定武齋酒用蘇

州君家新致雪坑茶

近得曾坑茶

燕南異事真堪記三

寸黃柑擘永嘉

子由生日以檀香觀音像及新合印香銀篆

繫爲壽

梅檀婆律海外芬西山老臍柏所薰香螺脫鱗菜
相群能結縹眇風中雲一燈如螢起微焚何時度
盡繆篆紋繚繞無窮合復分緜緜浮空散氤氳東
坡持是壽卯君君少與我師皇墳旁資老聃釋迦
文共厄中年點蠅蚊晚遇斯須何足云君方論道
承華勛我亦旗鼓嚴中軍國恩當報敢不勤但願
不爲世所醺爾來白髮不可耘問君何時返鄉枌
收拾散亡理放紛此心實與香俱君焄聞思大士應

東坡全集 卷之三十一
已聞

次韻李端叔送保倅翟安常赴闕兼寄子由
中山保塞兩窮邊。卧治雍容已百年。顧我迂愚分
竹使。與君談笑用蒲鞭。松荒三徑思元亮。草合平
池憶惠連。白髮歸心憑說與。古來誰似兩疎賢。

中山松醪寄雄守王引進

鬱鬱蒼髯千歲姿。肯來盃酒作兒嬉。流芳不待龜

巢葉。

唐人以荷葉為酒盃。謂知若筍酒。

掃白聊煩鶴踏枝。醉裏便

成歌雪舞。醒時與作嘯風辭。馬軍走送非無意。玉
帳人閑合有詩。

次韻李端叔謝送牛戩鴛鴦竹石圖

聞君談西戎。廢食忘蚤晚。王師本不陣。賊壘何足
剗。守邊在得士。此語要而簡。知君論將口。似我識
畫眼。笑指塵壁間。此是老牛戩。平生師衛玠。非意
常理遣。訴君定何人。未用市朝顯。置之勿復道。世
俗固多舛。歸去亦何須。單車渡殺澗。如蟲得羽化。
已脫安用蠶。家書空萬軸。涼曝困舒卷。念當掃長
物。閉息默自煖。此畫聊付君。幽處得小展。新詩勿
縱筆。群吠驚邑犬。時來未可知。妙斲待輪扁。

次韻聰上人見寄

前身本同社宿業獨臨邊一悟鏡空老始知圓澤
賢歸心忘犢佩生術寄羊鞭不似歐陽子空留六
一泉

次韻王雄州還朝留別

老李威名八十年壁間精悍見遺顏自聞出守風
流似稍覺承平氣象還但遣詩人歌杖柱不妨侍
女唱陽關內朝接武知何日白髮羞歸供奉班

三月二十日多葉杏盛開

零露泣月葉溫風散晴葩春工了不睡連夜開此
花芳心誰翦刻天質自清華惱客香有無弄粧影

橫斜中山古戰國殺氣浮高牙叢臺餘袷服易水
雄悲笳自從此花開王肌洗塵沙坐令游俠窟化
作溫柔家我老念江海不飲空咨嗟明年花開時
舉酒望三巴

蓋欲請梓
州而歸也

三月二十日開園三首

雪髯霜鬢語蒼獐澹蕩園林取次行要識將軍不
凡意從來祇啜小人羹

是日散父
老酒食

西園牡籥夜沉沉尚有游人卧柳陰鶴睡覺時風
露下落花飛絮滿衣襟

鬱鬱蒼髯真道友絲絲紅萼是鄉人

蒼髯松也何
紅萼海棠

時翠竹江村路送我柴門月色新

次韻王雄州送侍其涇州

威聲又數中興年二虜行當一矢聯
聞道名城得真將故應驚羽落空弦
追鋒歸去雄三衛投鉞重來定十連
別酒回頭便陳迹號呶端合發初筵

臨城道中作

并引

予初赴中山連日風埃未嘗了了見太行也今將
適嶺表頗以是爲恨過臨城內丘天氣忽清徹西
望太行草木可數岡巒北走崖谷秀傑忽悟歎曰
吾南遷其速返乎退之衡山之祥也書以付邁使

志之

逐客何人著眼看太行千里送征鞍未應愚谷能
留柳可獨衡山解識韓

過湯陰市得豌豆大麥粥示三兒子

朔野方赤地河濡但黃塵秋霖暗豆漆夏旱隴麥
人逆旅唱晨粥行庖得時珍青班照七筋脆響鳴
牙齦王食謝故吏風餐便逐臣漂零竟何適浩蕩
寄此身爭勸加飲食實無負吏民何當萬里客歸
及三年新

子由新脩汝州龍興寺吳畫壁

丹青久衰工不執人物尤難到今世每摹市井作
公卿畫手懸知是徒隸吳生已與不傳死那復典
刑留近歲人間幾處變西方盡作波濤翻海勢細
觀手面分轉側妙筭毫釐得天契始知真放本精
微不比狂花生客慧似聞遺墨留汝海古壁蝸涎
可垂涕力捐金帛扶棟宇錯落浮雲卷新霽使君
坐獻清夢餘幾疊衣紋數襟袂他年弔古知有人
姓名聊記東坡弟

過高郵寄孫君孚

過淮風氣清一洗塵埃容水木漸幽茂菰蒲雜游

龍可憐夜合花青枝散紅茸美人游不歸一笑當
誰供故園在何處已偃手種松我行忽失路歸夢
山千重聞君有負郭二頃收橫從卷野畢秋穫殷
牀聞夜舂樂哉何所憂社酒粥面醲宦游豈不好
毋令到千鍾

僕所至未嘗出遊過長蘆聞天禪師病甚不
可不一問既見則有見矣明日阻風復留見
之作三絕句呈聞復并請轉呈參寥子各賦
數首

亦知壺子不死敢問老聃所游瑟瑟寒松露骨此

東坡全集 卷之三十一
九
耽病虎垂頭

莫言西蜀萬里且到南華一游扶病江邊送客杖
擎浦口回頭

老去此生一訣興來明日重游卧聞三老白事半
夜南風打頭

六月七日泊金陵阻風得鍾山泉公書寄謝

為謝

今日江頭天色惡礮車雲起風欲作獨望鍾山喚
寶公林間白塔如孤鶴寶公骨冷喚不聞却有老
泉來喚人電眸虎齒霹靂舌為予吹散千峰雲南

行萬里亦何事一酌曹谿知水味他年若畫蔣山
圖為作泉公喚居士

贈清涼寺和長老

代北初辭沒馬塵江南來見卧雲人問禪不契前
三語施佛空留丈六身老去山林徒夢想雨餘鍾
鼓更清新會須一洗黃茅瘴未用深藏白氎巾

予前後守倅餘杭凡五年夏秋一間烝熱不
可過獨中和堂東南頰下瞰海門洞視萬里
三伏常蕭然也紹聖元年六月舟行赴嶺外
熱甚忽憶此處而作是詩

忠孝王家千柱宮東坡作吏五年中中和堂上東
南頰獨有人間萬里風

慈湖夾阻風五首

捍索桅竿立嘯空
篙師酣寢浪花中
故應營蒞知心腹
弱纜能爭萬里風

此生歸路愈茫然
無數青山水拍天
猶有小船來賣餅
喜聞墟落在山前

我行都是退之詩
真有人家水半扉
千頃桑麻在船底
空餘石髮挂魚衣

月輪亭午汗珠融
誰識南訛長養功
暴雨過雲聊

一快未妨明月却當空

卧看落月橫千丈
起喚清風得半帆
且並水村歌側過
人間何處不巉巖

過廬山下 并引

予過廬山下雲物騰涌默有禱焉未午衆峰凜然
故作是詩

亂雲欲霾山勢與飄風南群嶺相應和勇往爭驂
驪可憐蒼蔚中時出紫翠嵐鴈沒失東嶺龍騰見
西龕一時供坐笑百態變立談暴雨破塊北清飈
掃渾醅廓然歸何處陋矣安足戡亭亭紫霄峰窈

東坡全集 卷之三十一
三百九十六
窈白石庵五老數松雪雙谿落天潭雖云默禱應
顧有移文慙

江西

江西山水真吾邦白沙翠竹石底江舟行十里磨
九瀧篙聲聒确相春撞醉卧欲醒聞淙淙真欲一
口吸老龐何人得儁窺魚缸舉叉絕叫尺鯉雙

秧馬歌

并引

過廬陵見宣德郎致仕曾君安止出所作禾譜文
既溫雅事亦詳實借其有所缺不譜農器也予昔
游武昌見農夫皆騎秧馬以榆棗爲腹欲其滑以

楸桐爲背欲其輕腹如小舟昂其首尾背如覆瓦
以便兩髀雀躍于泥中繫束藁其首以縛秧日行
千畦較之偃僂而作者勞佚相絕矣史記禹乘四
載泥行乘橈鮮者曰橈形如箕擿行泥上豈秧馬
之類乎作秧馬歌一首附于禾譜之末云

春雲濛濛雨淒淒春秋秧欲老翠剡齊嗟我婦子行
水泥朝分一壠暮千畦腰如筮篲首啄雞筋煩骨
殆聲酸嘶我有桐馬手自提頭尻軒昂腹脇低背
如覆瓦去角圭以我兩足爲四蹄聳踊滑汰如鳧
鷖織織束藁亦可齎何用繁纓與月題揭從畦東

東坡全集 卷之二十三 十一
走畦西山城欲閉聞鼓聲忽作的盧躍檀溪歸來
挂壁從高栖了無芻秣饑不啼少壯騎汝逮老鰲
何曾蹶軼防顛擠錦鞵公子朝金閨笑我一生蹋
牛犁不知自有木馱馱

八月七日初入贛過惶恐灘

七千里外二毛人十八灘頭一葉身山憶喜歡勞
遠夢蜀道有錯喜歡地名惶恐泣孤臣長風送客
添帆腹積雨扶舟減石鱗便合與官充水手此生
何止略知津

鬱孤臺 以下四首皆虔州

八境見圖畫鬱孤如舊游山爲翠浪涌水作玉虹
流日麗崆峒曉風酣章貢秋丹青未變葉鱗甲欲
生洲嵐氣昏城樹灘聲入市樓煙雲侵嶺路草木
半炎州故國千峰外高臺十日留他年三宿處準
擬繫歸舟

廉泉

水性故自清不清或撓之君看此廉泉五色爛摩
尼廉者爲我廉我以此名爲有廉則有貪有慧則
有癡誰爲柳宗元孰是吳隱之漁父足豈潔許由
耳何淄紛然立名字此水了不知毀譽有時盡不

東坡全集 卷之三十三
知無盡時竭來廉泉上將鬚看鬢眉好在水中人
到處相娛嬉

塵外亭

楚山澹無塵贛水清可厲散策塵外游麾手謝此
世山高惜人力十步輒一憇却立浮雲端俯視萬
井麗幽人宴坐處龍虎爲斬薙馮駒獨何疑豈墮
山鬼計夜垣非助我謬敬欲其逝戲留一轉語千
載起攘袂

天竺寺

并引

予年十二先君自虔州歸爲予言近城山中天竺

寺有樂天親書詩云一山門作兩山門兩寺元從
一寺分東澗水流西澗水南山雲起北山雲前臺
花發後臺見上界鍾清下界聞遙想吾師行道處
天香桂子落紛紛筆勢奇逸墨迹如新今四十七
年矣予來訪之則詩已亡有刻石存耳感涕不已
而作是詩

香山居士留遺迹天竺禪師有故家空詠連珠吟
疊壁已亡飛鳥失驚蛇林深野桂寒無子雨浥山
薑病有花四十七年真一夢天涯流落涕橫斜

過大庾嶺

一念失垢汗身心洞清淨浩然天地間惟我獨也
正今日嶺上行身世永不忘仙人拊我頂結髮授
長生

宿建封寺曉登盡善亭望韶石二首

雙闕浮空照短亭至今猿鳥歎青瑩君王自此西
巡狩再使魚龍舞洞庭

蜀人文賦楚人辭堯在崇山舜九疑聖主若非真
得道南來萬里亦何爲

嶺海東南月窟西功成天已錫玄珪此方定是神
仙宅禹亦東來隱會稽

月華寺

寺隣岑水場施者皆坑
戶也百年間蓋三焚矣

天公胡爲不自憐結土融石爲銅山萬人探斲富
媪泣祗有金帛資豪奸脫身獻佛意可料一瓦坐
待千金還月華二火豈天意至今茇舍依榛菅僧
言此地本龍象興廢反掌曾何艱高巖夜吐金碧
氣曉得異石青爛斑坑流窟發錢涌池莫施百鎰
朝千鍰此山出寶以自賊地脉已斷天應慳我願
銅山化南畝爛漫黍麥蘇惇鰥道人脩道要底物
破鐺煮飯茹三間

南華寺

東坡全集 卷之三十一
云何見祖師要識本來面亭亭塔中人問我何所
見可憐明上座萬法了一電飲水既自知指月無
復眩我本脩行人三世積精練中間一念失受此
百年譴樞衣禮真相感動淚雨霰借師錫端泉洗
我綺語硯

碧落洞

在英州下十五里

槎牙亂峰合晃蕩絕壁橫遙知紫翠間古來仙釋
并陽崖射朝日高處連王京陰谷扣白日夢中游
化城果然石門開中有銀河傾幽龕入窈窕別戶
穿虛明泉旋下珠琲乳蓋交縵纓我行畏人知恐

為仙者迎小語輒響蒼空山自雷驚策杖歸去來
治具煩方平

峽山寺

傳奇所記孫恪袁氏事即此寺至今有人見白猿者

天開清遠峽地轉凝碧灣我行無遲速攝衣步孱
顏山僧本幽獨乞食況未還雲碓水自春松門風
為關石泉解娛客琴筑鳴空山佳人劒翁孫游戲
暫人間忽憶嘯雲侶賦詩留玉環林空不可見霧
雨霾髻鬢

舟行至清遠縣見顧秀才極談惠州風物之
美

到處聚觀香案吏此邦宜着玉堂仙江雲漠漠桂
花濕海雨條條荔子然聞道黃柑常抵鵲不容朱
橘更論錢恰從神虎來弘景便向羅浮見稚川

廣州蒲澗寺

地產菖蒲十二節相傳安期
生之故居始皇訪之於此

不用山僧導我前自尋雲外出山泉千章古木臨
無地百尺飛濤瀉漏天舊日菖蒲方士宅後來詹
荀祖師禪而今祇有花含笑笑道秦皇欲學仙

多含
笑花

贈蒲澗信長老

優鉢曇花豈有花問師此曲唱誰家已從子美得

桃竹

此山有莢竹可作杖而土人
不識予始錄子美詩遺之

不向安期覓棗

爪燕坐林間時有虎高眠粥後不聞鴉勝游自古
兼支許為採松肪寄一車

發廣州

朝市日已遠此身良自如三杯軟飽後

浙人謂飲
酒為軟飽

一枕黑甜餘

俗謂睡
為黑甜

蒲澗踈鐘外黃灣落木初天

涯未覺遠處處各樵漁

浴日亭

在南海廟前

劍氣崢嶸夜插天瑞光明滅到黃灣坐看暘谷浮
金暈遙想錢塘涌雪山已覺滄涼蘇病骨更煩沈

瀟洗衰顏忽驚鳥動行人起飛上千峰紫翠間

游羅浮山一首示兒子過

人間有此白玉京羅浮見日雞一鳴南樓未必齊

日觀鬱儀自欲朝朱明劉夢得有詩記羅浮夜半見日事山不甚高而夜見

日此可異也山有二石樓今延祥寺在南樓東坡

下朱明洞在冲虛觀後云是蓬萊第七洞天之師抱朴老真契蚤已交前生王堂金馬久流落

寸田尺宅今歸耕道華亦嘗啖一棗唐末樂道士侯道華竊食

鄧天師藥仙去未樂有無核棗人不可得契虛正

欲仇三彭唐僧契虛遇人導游稚川仙府真人問曰汝絕三彭之仇乎契虛不能答鐵

橋石柱連空橫山有鐵橋石柱人罕至者杖藜欲趁飛猱輕雲

谿夜逢瘖虎伏山有啞虎巡山斗壇畫出銅龍獰冲虛觀後有朱

真人朝斗壇近於壇下獲銅龍六銅魚一小兒少年有奇志中宵起坐

存黃庭近者戲作凌雲賦筆勢髣髴離騷經負書

從我盍歸去群仙正草新宮銘汝應奴隸蔡少霞

我亦季孟山玄卿唐有夢書新宮銘者云紫陽真人山玄卿撰其畧曰良常西麓

原澤東泄新宮宏宏崇軒轅轅又有蔡少霞者夢人遺書碑畧曰公昔乘魚車今履瑞雲躅空仰塗

綺輅輪困其未題云五雲書閣吏蔡少霞書還須略報老同叔羸糧萬

里尋初平子由一宇同叔

十月二日初到惠州

髣髴曾游豈夢中欣然雞犬識新豐吏民驚怪坐

東坡全集 卷之三十一 十七
何事父老相携迎此翁蘇武豈知還漠北管寧自
欲老遼東嶺南萬戶皆春色嶺南萬戶酒會有幽人客
寓公

寓居合江樓

海山葱曩氣佳哉二江合處朱樓開蓬萊方丈應
不遠皆爲蘇子浮江來江風初涼睡正美樓上啼
鴉呼我起我今身世兩相違西流白日東流水樓
中老人日清新天上豈有癡仙人三山咫尺不歸
去一盃付與羅浮春予家釀酒名羅浮春

白水山佛迹巖

羅浮之東麓也在惠州東北二十里

何人守蓬萊夜半失左股浮山若鵬蹲忽展垂天
羽根株互連絡崖嶠爭吞吐神工自爐鞴融液相
綴補至今餘隙罅流出千斛乳方其欲合時天匠
麾月斧帝觴分餘瀝山骨醉后土峯巒尚開闔澗
谷猶呼舞海風吹未凝古佛來布武當時汪岡氏
投足不蓋拇青蓮雖不見千古落花雨雙谿匯九
折萬馬騰一鼓奔雷濺玉雪潭洞開水府潛鱗有
饑蛟掉尾取渴虎我來方醉後濯足聊戲侮回風
卷飛雹掠面過强弩山靈莫惡劇微命安足賭此
山吾欲老慎勿厭求取谿流變春酒與我相賓主

東坡全集 卷之三十三
當連青竹竿下灌黃精圃

詠湯泉

在白水山

積火焚大槐蓄油災武庫驚然丞相井疑浣將軍
布白憐耳目隘未測陰陽故鬱攸火山裂感沸湯
泉注豈惟渴獸駭坐使癡兒怖安能長魚鼈僅可
尋狐兔山中惟木客戶外時芒屨雖無傾城浴幸
免亡國汙

自笑

予石如琢玉遠煙真削鑿入我病風手

古語云磨墨如病風

手玄雲滄淒淒是中有何好而我喜欲迷既似蠟

屐阮又如鍛柳嵇醉筆得天全宛宛天投霓多謝
中書君伴我此幽栖

朝雲詩

并引

世謂樂天有粥駱馬放楊柳枝詞嘉其主老病不
忍去也然夢得有詩云春盡絮飛留不得隨風好
去落誰家樂天亦云病與樂天相伴佳春隨樊子
一時歸則是樊素竟去也予家有數妾四五年相
繼辭去獨朝雲者隨予南遷因讀樂天集戲作此
詩朝雲姓王氏錢塘人嘗有子曰幹兒未暮而天
云

東坡全集 卷之三十一
不似楊枝別樂天。恰如通德伴伶玄。阿奴絡秀不
同老。天女維摩總解禪。經卷藥爐新活計。舞衫歌
扇舊因緣。丹成逐我三山去。不作巫陽雲雨仙。

寄虎兒

獨倚枕榔樹。閑挑草檨根。謀生看拙否。送老此蠻
村。

十一月二十六日松風亭下梅花盛開

春風嶺上淮南村。昔年梅花曾斷魂。

予昔赴黃州
春風嶺上見

梅花有兩絕句。明年正月往岐亭道中賦。豈知流
詩云。去年今日開山路。細雨梅花正斷魂。落復相見蠻風颯。雨愁黃昏長條半落。荔支浦卧

樹獨秀。枕榔園豈惟幽。光留夜色直恐冷艷排冬
温。松風亭下荆棘裏。兩株王蕊明朝暎。海南仙雲
嬌墮砌。月下縞衣來扣門。酒醒夢覺起繞樹。妙意
有在終無言。先生獨飲勿歎息。幸有落月窺清樽。

再用前韻

羅浮山下梅花村。玉雪爲骨冰爲魂。紛紛初疑月
挂樹。耿耿獨與參橫昏。先生索居江海上。悄如病
鶴栖荒園。天香國艷肯相顧。知我酒熟詩清温。蓬
萊宮中花鳥使。綠衣倒挂扶桑暎。抱叢窺我方醉
卧。故遣啄木先敲門。麻姑過君急酒掃。鳥能歌舞

東坡全集 卷之三十一
花能言酒醒人散山寂寂惟有落盡粘空樽嶺南珍禽
有倒挂子綠毛紅喙如鸚鵡而小自海東來非塵埃間物也

新釀桂酒

擣香篩辣入餅盆盎盎春谿帶雨渾收拾小山藏
社甕招呼明月到芳樽酒材已遣門生致菜把仍
叨地生恩爛煮葵羹斟桂醕風流可惜在蠻村

惠守詹君見和復次韻

已破誰能惜甌盆頽然醉裏得全渾欲求公瑾一
困米試蒲莊生五石樽三盃卯困忘家事萬戶春
濃感國恩刺史不須邀半道監輿未暇走山村

花落復次前韻

王妃謫墮煙雨村先生作詩與招魂人間草木非
我對奔月偶挂成幽昏闇香入戶尋短夢青子綴
枝留小園披衣連夜喚客飲雪膚蒲地聊相溫松
明照坐愁不睡井花入腹清而嗽先生年來六十
化道眼已入不二門多情好事真習氣惜花未忍
終無言留連一物吾過矣笑領百罰空壘樽

東坡全集第二十三卷

西蜀後學張養正校正

耳聶紹昌編刻

江郊

并引

惠州歸善縣治之比數百步抵江少西有盤石小潭可以垂釣作江郊詩云

江郊葱曩雲水蒨絢碕岸斗入泖潭輪轉先生悅之布席間燕初日下照潛鱗俯見意釣忘魚樂此竿綫優哉悠哉玩物之變

詹守携酒見過用前韻作詩聊復和之

箕踞狂歌老瓦盆燎毛燔肉似羗渾傳呼草市來

東坡全集 卷之三十三
携客酒掃漁磯共置樽山下黃童爭看舞江干白
骨已銜恩時詹方議葬暴骨孤雲落日西南望長羨歸鴉
自識村

寄鄧道士 并引

羅浮山有野人相傳葛稚川之隸也鄧道士守安
山中有道者也嘗於庵前見其足迹長二尺許紹
聖二年正月十日予偶讀韋蘇州寄全椒山中道
士詩云今朝郡齋冷忽念山中客澗底束荆薪歸
來煮白石遙持一樽酒遠慰風雨夕落葉滿空山
何處尋行迹乃以酒一壺仍依蘇州韻作詩寄之

云

一盃羅浮春遠餉採薇客遙知獨酌罷醉卧松下
石幽人不可見清嘯聞月夕聊戲庵中人空飛本
無迹

上元夜

前年侍玉輦端門萬枝燈壁月挂杲星珠星綴觚
稜去年中山府老病亦霄興牙旗穿夜市鐵馬響
春冰今年江海上海雲房寄山僧亦復舉膏火松間
見層層散策桄榔林林踈月鬢鬢使君置酒罷簫
鼓轉松陵狂生來索酒賈道人也一舉輒數升浩歌出

東坡全集 卷之三十三
門去我亦歸曹騰

正月二十四日與兒子過賴仙芝王原秀才
僧曇穎行全道士何宗一同游羅浮道院及
栖禪精舍過作詩和其韻寄邁迨

斷橋隔勝踐脫屣欣小憇瘴花已繁紅官柳猶踈
細斜川二三子悼歎吾年逝淒涼羅浮館風壁頽
雨砌黃冠常苦饑迎客羞破袂仙山在何許歸鶴
時慵羸崎嶇拾松黃欲救齒髮弊坐令禪客笑一
夢等千歲栖禪晚置酒蠻果粲蕉荔齋厨釜無黍
野餉籃有篋嬉遊趁時節俯仰了此世猶當洗業

障更作臨水楔寄書陽羨兒并語長頭弟門戶各
努力先期畢租稅

正月二十六日偶與數客野步嘉祐僧舍東
南野人家雜花盛開扣門求觀主人林氏媪
出應白髮青裙少寡獨居三十年矣感歎之
餘作詩記之

縹帶細枝出絳房綠陰青子送春忙涓涓泣露紫
含笑焰焰燒空紅佛桑落日孤煙知客恨短籬破
屋爲誰香主人白髮青裙袂子美詩中黃四娘
龍尾石硯寄猶子遠

皎皎穿雲月，青青出水荷。文章工點黠，忠義老研磨。
偉節何須怒，寬饒要少和。吾衰此無用，寄與小東坡。
遠爲人
類予

贈王子直秀才

萬里雲山一破裘，杖端閑挂百錢游。五車書已留兒讀，二頃田應爲鶴謀。水底笙歌蛙兩部，山中奴婢橘千頭。幅巾我欲相隨去，海上何人識故侯。

次韻表兄程正輔江行見桃花

曲士賦懷沙，草木傷莽莽。德人無荆棘，坐失嶺嶠阻。我兄瑚璉姿，流落瘴江浦。淨眼見桃花，紛紛墮

紅雨。蕭然振衣袂，笑問散花女。我觀解語花，粉色如黃土。一言破千偈，况尔初不語。可憐一轉話，他日如何舉。故復此微吟，聊和鷗鴉檮。江邊閑草木，閑客當爲主。尔來子美瘦，正坐作詩苦。袖手焚筆硯，清篇真漫與。願兄理比轅，六轡去如組。上林桃花開，水暖鴻北翥。

追餞正輔表兄至博羅賦詩爲別

孤城南游墮黃菅，君亦何事來牧蠻。艤舟登戶龍岡窟，置酒柳葉枕榔間。高談已笑衰語陋，傑句尤覺清詩孱。博羅小縣僧舍古，我不忍去君忘還。君

東坡全集 卷之三十三
應回望秦與楚夢涉漢水愁秦關我亦坐念高安
客神游黃蘗叅洞山何時曠蕩洗瑕謫與君歸駕
相追攀梨花寒食隔江路兩山遙對雙烟鬟歸耕
不用一錢物惟要兩脚飛屨顏王牀丹銖記分我
助我金鼎光爛斑

再用前韻賦

樂天霜鬢如霜管始知謝遣素與蠻我兄綠髮蔚
如故已了夢幻齊人間蛾眉勸酒聊不耳處仲太
忍茂弘孱三盃徑醉便歸卧海上知復幾往還連
娟六么趁蹋鞠杳眇三疊紫陽關酒醒夢斷何所

有落花流水空青山忽驚鏡鼓發半夜明月不許
幽人攀贈行無物惟一語莫遣瘴霧侵雲鬢羅浮
道人一傾蓋欲繫白日留君顏應知我是香案吏
他年許綴蓬萊班

真一酒 并引

米麥水三一而已此東坡先生真一酒也

撥雪披雲得乳泓蜜塗蠶又欲醉先生

真一色味頗類予在黃州

日所醞蜜酒也

稻垂麥仰陰陽足噐潔泉新表裏清曉日

着顏紅有暈春風入隨散無聲人間真一東坡老
與作青州從事名

東坡全集 卷之三十一
游博羅香積寺

并引

寺去縣七里三山犬牙夾道皆美田麥禾甚茂寺
下谿水可作碓磨若築塘百步閘而落之可轉兩
輪舉四杵也以屬縣令林杵使督成之

二年流落鼃魚鄉朝來喜見麥吐芒東風搖波舞
淨綠初日泫露酣嬌黃汪汪春泥已沒膝剡剡秋
穀初分秧誰言萬里出無友見此二美喜欲狂三
山屏擁僧舍小一谿雷轉松陰涼要令水力供磴
磨與相地脉增隄防霏霏落雪看收麩隱隱疊鼓
聞春糠散流一啜雲子白炊裂十字瓊肌香豈惟

牢九薦古味

東哲餅賦云漫頭
尊持起搜牢九

要使真一流仙漿

詩成捧腹便絕倒書生說食真膏肓

次韻定慧欽長老見寄八首

并引

蘇州定慧長老守欽使其徒卓契順來惠州問予
安否且寄擬寒山十頌語有粲忍之通而詩無島
可之寒吾甚嘉之爲和八首

左角看破楚南柯聞長藤鈎簾歸乳燕穴紙出癡
蠅爲鼠常留飯憐蛾不點燈崎嶇真可笑我是小
乘僧

鐵橋本無柱石樓豈有門舞空五色羽吠雲千歲

東坡全集 卷之三
根松花釀仙酒才客餽山殮我醉君且去陶云吾亦云

羅浮高萬仞下看扶桑卑默坐朱明洞玉池自生肥從來性坦率醉語漏天機相逢莫相問我不記吾誰

幽人白玉觀大士甘露滅根塵各清淨心境兩竒絕真源未純熟習氣餘陋劣譬如已放鷹中夜時掣縱

誰言窮巷士乃竊造物權所見皆我有安居受其全戲作一篇書千古發爭端儒墨起相殺予初本

無言

閒居蓄百毒救彼跛與盲依出作陶穴掩此異骨橫區區效一溉豈能濟含生力惡不已出時哉非汝爭

少壯欲及物老閑餘此心微生山海間坐受瘴霧侵可憐鄧道士攝衣問呻吟覆舟却私渡斷橋費千金

淨名昆耶中妙喜恒沙外初無往來相二士同一在云何定慧師尚欠行脚債請判維摩憑一到東坡界

東坡全集 卷之三十三
二月十九日携白酒鱸魚過詹史君食槐葉

冷淘

枇杷已熟粲金珠，桑落初嘗滷玉蛆。暫借垂蓮十
分錢，澆空腹。五車書，青浮卵，筮槐芽，餅紅點，冰鱉
藿菜魚，醉飽高眠，真事業。此生有味在三餘。

江漲用過韻

草木生故墟，牛羊滿空瀆。春江圍草市，夜浪浮竹
屋。已連漲，海白尚帶霍。山綠坎離更，休王魚鼈橫。
陵陸得非崑崙囚，欲報陸渾。劔行看北風，競來救
南國。蹙長驅，連山燒一掃。含沙毒，孤吟愍造化，何

時停倚伏，當憐水旱垠。不作舟車蓄，江流儻席卷。
社酒期茆縮。

連雨江漲二首

越井岡頭雲出山，狎柯江上水如天。牀牀避漏幽
人屋，浦浦移家艇子船。龍卷魚鰕并雨落，人隨雞
犬上墻眠。祗應樓下平階水，長記先生過嶺年。

急雨蕭蕭作晚涼，卧聞榕葉響長廊。微明燈火耿
殘夢，半濕簾帷浥舊香。高浪隱牀吹甕盎，闔風驚
樹擺琳琅。先生不出晴無用，留向空階滴夜長。

四月十一日初食荔支

東坡全集 卷之三十三
南村諸楊北村盧謂楊梅盧橘也白花青葉冬不枯垂黃

綴紫煙雨裏特與荔支爲先驅海山仙人絳羅襦

紅紗中單白玉膚不須更待妃子笑風骨自是傾

城姝不知天工有意無遣此尤物生海隅雲山得

伴松檜老霜雪自困楂梨麓先生洗琰酌桂醕冰

繁薦此頰虬珠似開江鯉斫王柱更洗河豚烹腹

腴予嘗謂荔支厚味高格兩絕果中無比惟江鯉在河豚魚近之耳我生涉世本

爲口一官久已輕蓴鱸人間何者非夢幻南來萬

里真良圖

枕榔杖寄張文潛一首時初聞黃魯直遷黔

南范淳父九疑也

睡起風清酒在亡身隨殘夢兩茫茫江邊曳杖枕

榔瘦林下尋苗蕈揆香獨步儻逢响嶼令遠來莫

恨曲江張遙知魯國真男子獨憶平生盛孝章

荅周循州

蔬飯藜牀破衲衣掃除習氣不吟詩前生似是盧

行者後學過呼韓退之未敢扣門求夜話時叨送

米續晨炊知君清俸難多輟且覓黃精與療饑

次韻程正輔游碧落洞

空山不難到絕境未易名何時謫仙人來作鈞天

東坡全集 卷之三十三
九
聲胸中幾雲夢餘地方恢宏長庚與北斗錯落綴
冠纓黃公獻紫芝赤松醜青精谿山久寂寞請續
離騷經袍枝寒蛭咽繞耳飛蚊清謫仙拊掌笑笑
此羽皇銘我頃嘗獨游自適孤雲情君今又繼往
霧雨愁青冥感君兄弟意尋卒問初平玉牀分箭
鏃不忍獨長生詩成輒寄我妙絕陶謝并孤鴻方
避弋老驥猶在坳鳥獸如可群未寄槁木形何山
不堪隱飲水自脩齡

六月十二日酒醒步月理髮而寢

羽蟲見月爭翻翻我亦散髮虛明軒千梳冷快肌

骨醒風露氣入霜蓬根起舞三人沒相屬停盃一
問終無言曲肱薤簞有佳處夢覺瑤樓空斷魂

荔支歎

十里一置飛塵灰五里一候兵火催顛坑仆谷相
枕藉知是荔支龍眼來飛車跨山鶻嶺海風枝露
葉如新採宮中美人一破顏驚塵濺血流千載永
元荔支來交州天寶歲貢取之涪至今欲食林甫

肉無人舉觴醉伯游

漢末元中交州道荔支龍眼
十里一置五里二候奔馳死

亡罹猛獸毒蟲之害者無數唐差字伯游為臨武
長士書言狀相帝罷之唐天寶中蓋取涪州荔支
自子午谷我願天公憐赤子莫生尤物為瘡痍君
路進入

東坡全集 卷之三十三
不見武夷谿邊粟粒芽前丁後蔡相籠加爭新買
寵各出意今年闔品充官茶吾君所乏豈此物致
養口體何陋耶洛陽相君忠孝家可憐亦進姚黃
花洛下貢花自錢惟演始大小龍茶始於丁晉公
而成於君謨歐陽永叔聞君謨進小龍團驚歎
曰君謨士人也何至作此事今
年閩中監司乞進闔茶許之

江月五首 并引

嶺南氣候不常吾嘗云菊花開時乃重陽涼天佳
月卽中秋不須以日月爲斷也今歲九月殘暑方
退既望之後月出愈遲然予嘗夜起登合江樓或
與客遊豐湖入栖禪寺扣羅浮道院登逍遙堂逮

曉乃歸杜子美云四更山吐月殘夜水明樓此始
古今絕唱也因其句作五首仍以殘夜水明樓爲
韻

一更山吐月玉塔卧微瀾正似西湖上涌金門外
看冰輪橫海闊香霧入樓寒停鞭且莫上照我一
盃殘

二更山吐月幽人方獨夜可憐人與月夜夜江樓
下風枝夕未停露草不可藉歸來掩關臥唧唧蟲
夜話

三更山吐月栖鳥亦驚起起尋夢中游清絕正如

東坡全集 卷之二十三
此驅雲掃衆宿俯仰迷空水幸可飲我牛不須違
洗耳

四更山吐月皎皎爲誰明幽人赴我約坐待王繩
橫野橋多斷板山寺有微行今夕定何夕夢中遊
化城

五更山吐月窓迥室幽幽王鈞還挂戶江練却明
樓星河澹欲曉鼓角冷知秋不眠翻五詠清切變
蠻謳

聞正輔表兄將至以詩迎之

生逢堯舜仁得作嶺海游雖懷寔然喜豈免跼墮

憂暮雨侵重腿曉烟騰鬱攸朝繁見蜜啣夜枕聞
鶴鶴幾欲烹鬱屈固嘗饌鈎輶舌音漸獠變面汗
嘗駢羞賴我存黃庭有時仍丹丘目聽不任耳踵
息殆廢喉稍欣素月夜遂度黃茆秋我兄清廟器
持節瘴海頭蕭然三家步橫此萬斛舟人言得漢
吏天遣活楚囚惠然再過我樂哉十日留但恨參
語賢忽潛九原幽萬里儻同歸兩鰥當對耨軾喪婦已
三年矣正輔近亦強歌非真達何必師莊周
正輔既見和復次前韻慰鼓盆勸學佛
稚川真長生少從鄭公游孝章偶不死免爲文舉

憂餘齡曾有造獨往豈相攸由來警露鶴不羨撮
蚤鷗願加視後鞭同駕躅空輶寧殮墮齒董勿憶

東岡松栢老西嶺橘柚秋看意

尋彌明長頸高結喉

無心逐定遠燕領飛虎頭君方卒功名

一泛范蠡舟我亦霑沛渥漸解鍾儀囚寧須張子
房萬戶自擇留猶勝嵇叔夜孤憤甘長幽南窓可
寄傲北山早歸耜此語君勿疑老彭跨商周

同正輔表兄游白水山

偉哉造物真豪縱攫土搏沙爲此弄擘開翠峽走
雲雷截破奔流作潭洞因隨化人履巨迹得與仙

兄躡飛鞚曳杖不知巖谷深穿雲但覺衣裘重坐
看驚鳥投霜葉知有老蛟蟠石甕金沙玉礫粲可
數古鏡寶奩寒不動念兄獨立與世疎絕境難到
惟我共求辭角上兩蠻觸一洗胸中九雲夢浮來
山高回望失武陵路絕無人送筠籃擷翠瓜甲香
素纒分碧綠銚凍歸路霏霏湯谷暗野堂活活神
泉涌解衣浴此無垢人身輕可試雲間鳳

與正輔游香積寺

越山少松竹常苦野火厄此峯獨蒼然感荷佛祖
太茯苓無人採千歲化琥珀幽光發中夜見者惟

東坡全集 卷之三十三
木客我豈無長鏡真贗苦難識靈苗與毒草疑似
在毫髮把玩竟不食棄置長太息山僧類有道辛
苦常谷汲我慙作機春鑿破混沌穴幽尋恐不繼
書板記歲月

次韻正輔同游白水山

祗知楚越爲天涯不知肝膽非一家此身如綫自
縈繞左回右轉隨繅車誤拋山林入朝市平地咫尺
千褒邪欲從稗川隱羅浮先與靈運開永嘉首
參虞舜款韶石次謁六祖登南華仙山一見五色
羽雪樹兩摘南枝花赤魚白蟹筋屢下黃柑綠橘

籩常加糖霜不待蜀客寄荔支莫信閩人誇恣傾

白蜜收五稜細斲黃土栽三椹

正輔分人參一苗
歸種韶陽來詩本

用磈字惠州無書不見此
字所出故且從木奉和

朱明洞裏得靈草翩然

放杖凌蒼霞豈無軒車駕熟鹿亦有鼓吹號寒蛙

仙人勸酒不用勺石上自有樽壘窪徑從此路朝

玉闕千里莫遣毫釐差故人日夜望我歸相迎欲

到長風沙豈知乘槎天女側獨倚雲機看織紗世

間誰似老兄弟篤愛不復相疵瑕相携行到水窮

處庶幾一見留子嗟千年枸杞常夜吠無數草棘

工藏遮但令凡心一洗濯神人仙藥不我遐山中

東坡全集 卷之三十三
歸來萬想滅豈復回顧雙雲鴉

轍有白髮近二十年矣然止百餘莖不增不

減虔州道人王正彥教令拔去以真水火養

之恐不復更生從其言已數月而白髮不出

更年歲不見豈真不生耶子瞻兄示我月中

梳頭詩戲次來韻言拔白之驗

水上有車車自翻懸流如線垂前軒霜蓬已枯不

再綠有客勸我抽其根根根一去紫茸茁珍重已

試幽人言紛紛華髮不足道當返六十過去魂

和

夏畦流膏白雨翻北窓幽人卧羲軒風輪曉入春

筓節露珠夜上秋禾根

或為予言草木之長常在
林明間蚤作而間之乃見

其枝起數寸竹筓尤甚又夏秋之交稻方含秀黃
昏月出露珠起于其根纍纍然忽自騰上若有推
之者或入于莖心或垂于葉端稱乃秀實驗之推
信然此二事與子由養生之說契故以此為寄從

來白髮有公道始信丹經非妄言此身法報本無

二他年妙絕無形魂

傳燈錄有形神俱妙者
乃不復有解化之事

十一月九日夜夢與人論神仙道術因作一

詩八句既覺頗記其語錄呈子由弟後四句

不甚明了今足成之耳

析塵妙質本來空

夢中於此句若
了然有所得者

更積微陽一綫

東坡全集 卷之三十三
功照夜一燈長耿耿閉門千息自濛濛養成丹竈
無煙火點盡人間有暈銅寄語山神停伎倆不聞
不見我何窮

章質夫送酒六壺書至而酒不達戲作小詩

問之

白衣送酒舞淵明急掃風軒洗破觥豈意青州六
從事化爲烏有一先生空煩左手持新蟹漫繞東
籬艷落英南海使君今北海定分百榼餉春耕

小圃五詠

人參

上黨天下春遼東真井底玄泉傾海腴白露洒天
醴靈苗此孕毓有肢或具體移根到羅浮越水灌
清泚地殊風雨隔臭味終祖禰青極綴紫萼圓實
墮紅米窮年生意足黃土手自啟上藥無炮炙齧
齧盡根柢開心定魂魄憂恚何足洗糜身輔吾生
既食首重稽

地黃

地黃飼老馬可使光鑒人吾聞樂天語喻馬施之
身我衰正伏櫪垂耳氣不振移栽附沃壤蕃茂爭
新春沈水得穉根重湯養陳薪投以東阿清和以

東坡全集 卷之三十三
北海醇崖蜜助甘冷山薑發芳辛融爲寒食餽嚙
作瑞露瓊丹田自宿火渴肺還生津願餉內熱子
一洗胸中塵

枸杞

神藥不自閔羅生滿山澤日有牛羊憂歲有野火
厄越俗不好事過眼等茨棘青萸春自長絳珠爛
莫摘短籬護新植紫笋生卧節根莖與花實收拾
無棄物大將玄吾鬚小則餉我客似聞朱明洞中
有千歲質靈厄或夜吠可見不可索仙人儻許我
借杖扶衰疾

甘菊

越山春始寒霜菊晚愈好朝來出細粟稍覺芳歲
老孤根蔭長松獨秀無衆草晨光雖照耀秋雨半
摧倒先生卧不出黃葉紛可掃無人送酒壺空腹
嚼珠寶香風入牙頰楚些發天藻新萸蔚已滿宿
根寒不稿揚揚弄芳蝶生死何足道頗訝昌黎翁
恨尔生不蚤

薏苡

伏波飯薏苡禦瘴傳神良能除五谿毒不救讒言
傷讒言風雨過瘴癘久亦亡兩俱不足治但愛草

東坡全集 卷之三十三
木長草木各有宜，珠產駢南荒。絳囊懸荔支，雪粉
剖桃榔。不謂蓬萊姿，中有藥與糧。春爲芡珠圓，炊
作菘米香。子美拾橡栗，黃精誑空腸。今吾獨何者，
玉粒照坐光。

雨後行菜

夢回聞雨聲，喜我菜甲長。平明江路濕，並岸飛雨
漿。天公真富有，膏乳瀉黃壤。霜根一蕃滋，風葉漸
俯仰。未任筐筥載，已作盃案想。艱難生理窄，一味
敢專饗。小摘飯山僧，清安寄真賞。芥藍如茵蕈，脆
美牙頰響。白菘類羔豚，冒上出躡掌。誰能視火候，

小竈當自養

殘臘獨出二首

幽尋本無事，獨往意自長。釣魚豐樂橋，採杞逍遙
堂。羅浮春欲動，雲日有清光。處處野梅開，家家臘
酒香。路逢眇道士，疑是左元放。我欲從之語，恐復
化爲羊。

江邊偶微行，詰曲背城市。平湖春草合，步到栖禪
寺。堂空不見人，老穉掩關睡。所營在一食，食已寧
復事。客來豈無得，施子淨掃地。風松獨不靜，送我
作鼓吹。

東坡全集 卷之二十三
新年五首

曉雨暗人日春愁連上元水生挑菜渚煙濕落梅
村小市人歸盡孤舟鶴蹋翻猶堪慰寂寞漁火亂
黃昏

北渚集群鷺新年何所之盡歸喬木寺分古結巢
枝生物會有役謀身各及時何當禁畢弋看引雪
衣兒

海國空自暖春山無限清冰谿結瘴雨雪菌到江
城更待輕雷發先催凍笋生豐湖有藤菜似可敵
蓴羨

小邑浮橋外青山石岸東茶槍燒後有麥浪水前
空萬戶不禁酒三年真識翁結茆來此住歲晚有
誰同

荔子幾時熟花頭今已繁探春先揀樹買夏欲論
園居士常携客參軍許扣門明年更有味懷抱帶
諸孫

二月八日與黃燾僧曇穎過逍遙堂何道士
宗一問疾

安心守玄牝閉眼覓黃庭問疾來三士澆愁有半
鉸風松時落藥病鶴不梳翎樽空我歸去山月照

君醒

次韻高要令劉湜峽山寺見寄

新聞妙無多舊學閑可束猶當隱季生未遽逃梅
福空腸吐餘思靜似蠶綴簇寸田結初果秀若銅
生綠荆棘掃誠盡梨棗息不熟高人寧鑄金下士
乃服玉君看嶺嶠隘我欲巾笥蓄曾攀羅浮頂亦
到朱明谷旋觀真歷魂歸卧甘破屋故人老猶仕
世味薄如穀偶從越女笑不怕蠻江浴驚聞尺書
到喜有新詩辱應憐五管客曾作八州督骨消讒
口鑠膽破獄吏酷壠雲不易寄江月乃可掬遙知

清遠寺不稱空洞腹蹇驢步武碎短瑟絃柱促仰

看泉落珮俯聽石響轂千峰瀉清駛一往無回跼

狂雷失晤語過電不容日要知僧長饑正坐山少

肉人間無南北蝸角空出縮仇池九十九仇池有九十九

泉子嘗夢至有詩嵩山三十六子由近買田陽翟北望嵩山甚近天人同

一夢仙凡無兩錄陋邛真可老生理亦粗足便回

藝天焰長作照海燭藝天焰見退之詩近黃魯直寄詩云蓮花合裏一寸燭此

馬海中燒百川魯直蓋近有得也

食荔支二首并引

惠州太守東堂祠故相陳文惠公堂下有公手植

東坡全集 卷之三十三
荔支一株郡人謂將軍樹今歲大熟賞啖之餘下
逮吏卒其高不可致者縱猿取之

丞相祠堂下將軍大樹旁炎雲駢火實瑞露酌天
漿爛紫垂先熟高紅挂遠楊分甘徧鈴下也到黑
衣郎

羅浮山下四時春盧橘楊梅次第新日啖荔支三
百顆不妨長作嶺南人

和子由盆中石菖蒲忽生九花

春萸秋蕪兩須臾神藥人間果有無無鼻何由識
蒼蘆有花今始信菖蒲芳心未飽兩蛟蝶寒意知

鳴幾蟪蛄記取明年十二節小兒休更籥霜鬚

遷居 有引

吾紹聖元年十月二日至惠州寓合江樓是月十
八日遷于嘉祐寺二年三月十九日復遷于合江
樓三年四月二十日復歸于嘉祐寺時方卜築白
鶴峰之上新居成庶幾其少安乎

前年家水東回首夕陽麗去年家水西濕面春雨
細東西兩無擇緣盡我輒逝今年復東徙舊館聊
一憇已買白鶴峰規作終老計長江在北戶雪浪
舞吾砌青山蒲墻頭髮鬢幾雲髻雖慙抱朴子金

東坡全集 卷之三十三
鼎陋蟬蛻猶賢柳柳州廟俎薦丹荔吾生本無待
俯仰了此世念念自成劫塵塵各有際下觀生物
息相吹等蚊蚋

兩橋詩 并引

惠州之東江谿合流有橋多廢壞以小舟渡羅浮
道士鄧守安始作浮橋以四十舟爲二十舫鐵銷
石矧隨水漲落榜曰東新橋州西豐湖上有長橋
屢作屢壞栖禪院僧希固築進兩岸爲飛閣九間
盡用石鹽木堅若鐵石榜曰西新橋皆以紹聖三
年六月畢工作二詩落之

東新橋

羣鯨貫鐵索背負橫空霓首搖翻雪江尾插崩雲
溪機牙任信縮漲落隨高低轆轤卷巨索青蛟挂
長堤奔舟免狂觸脫筏防撞擠一橋何足云謹傳
廣東西父老有不識喜笑爭攀躋魚龍亦驚逃雷
電生馬蹏嗟此病涉久公私困留稽奸民食此險
出沒如鳧鷖似賣失船壺如去登樓梯不知百年
來幾人隕沙泥豈知濤瀾上安若堂與閨往來無
晨夜醉病休扶携使君飲我言妙割無牛雞不云
二子勞歎我捐腰犀

二士造橋予常助施犀帶

我亦壽使君一

東坡全集 卷之二十三
言聽扶藜常當修未壞勿使後噬臍

西新橋

昔橋本千柱挂湖如斷霓浮梁陷積淖破板隨奔
谿笑看遠岸沒坐覺孤城低聊因三農隙稍進百
步堤炎州無堅植潦水輕推擠千年誰在者鐵柱
羅浮西獨有石鹽木白蟻不敢躋似開銅駝峰如
鑿鐵馬蹏岌岌類鞭石山川非會稽嗟我久閣筆
不書紙尾驚蕭然無尺箠欲構飛空梯百夫下一
杙椽此百尺泥橋柱石礫之下皆有堅木採囊賴
椽入泥中文餘謂之項樁
故侯寶錢出金閨子由之婦吏頃入內得父老喜賜黃金錢數千助施

雲集簞壺無空携三日飲不散殺盡西村雞似聞

百歲前海近湖有犀豐湖舊名鰐湖蓋嘗有鮫鱓之類那知陵谷

變枯瀆生芟藜後來勿忘今冬涉水過臍

悼朝雲詩

并引

紹聖元年十一月戲作朝雲詩三年七月五日朝

雲病亡於惠州塋之栖禪寺松林中東南直大聖

塔予既銘其墓且和前詩以自解朝雲始不識字

晚忽學書粗有楷法蓋嘗從泗上比丘尼義冲學

佛亦略聞大義且死誦金剛經四句偈而絕

苗而不秀豈其天不使童烏與我玄駐景恨無千

東坡全集
歲藥贈行唯有小乘禪傷心一念償前債彈指三生斷後緣歸卧竹根無遠近夜燈勤禮塔中仙

東坡全集第二十四卷

西蜀後學張養正校正

聶紹昌編刻

丙子重九二首

三年瘴海上越嶠真我家登山作重九巒菊秋未
花唯有黃茆根堆壠生坳窵酒蘖衆毒酸甜如
梨楂何以侑一罇隣翁餽鼃蛇亦復強取醉歡謔
雜悲嗟今年吁惡歲僵仆如亂麻此會我雖健狂
風卷朝霞使我如霜月孤光挂天涯西湖不欲往
墓樹號寒鴉

窮塗不擇友過眼如亂雲餘子誰復數坐閱兩使

君共飲去年堂俯看秋水紋此水與此人相追兩
 汙汙老去各休息造物嗟長勤佳哉此令節不惜
 與子分何以娛我客游魚在清瀆水師三百指鍊
 網欲掩群獲多雖一快買放尤可欣此樂真不朽
 明年我歸耘

白鶴峰新居欲成夜過西隣翟秀才二首

林行婆家初閉戶翟夫子舍尚留關連娟缺月黃

昏後縹眇新居紫翠間繫悶豈無羅帶水韓退之云水作

青羅帶山割愁還有劍鏃山柳子厚云海上尖峯若劍鏃秋來處處割

愁腸皆嶺南詩也中原北望無歸日鄰火村春自往還

壺間畢卓防偷酒壁後匡衡不點燈待鑿平江百
 尺井要分清暑一壺冰佐卿恐是歸來鶴次律寧
 非過去僧他日莫尋王粲宅夢中來往本何曾

次韻子由所居六詠

堂前種山丹錯落馬腦盤堂後種秋菊碎金收辟
 寒草木如有情慰此芳歲闌幽人正獨樂不知行
 路難

詩人故多感花發憶兩京石榴有正色玉樹真虛
 名粲粲秋菊花卓為霜中英萸繁照重九纈葢兩
 鮮明

東坡全集 卷之二十四
幽居有古意義井分西墻誰言三伏熱上須一盃
涼先生坐忍渴群囂自披猖衆散徐酌飲逡巡味
尤長

先生飯土留無物與劉义何以娛醉客時巖砌下
花井水分西隣竹陰借東家蕭然行脚僧一身寄
天涯

東齋手種柏今復幾尺長知有桓司馬榛莠爲遮
藏近聞南臺松新枝出餘僵年來此懷抱豈復驚
凡亡

新居已覆瓦無復風雨憂橙栽與籠竹小詩亦可

求尚欲煩貳師刻山出飛流應須鑿百尺兩綆載
一牛

吳子野絕粒不睡過作詩戲之芝上人陸道
士皆和予亦次其韻

聊爲不死五通仙終了無生一大緣獨鶴有聲知

半夜老蠶不食已三眠憐君解比人間夢芝有夢齋子由

作許我時逃醉後禪會與江山成故事不妨詩酒

樂新年

又次韻二守同訪新居二首

數畝蓬蒿古縣陰曉窓清快夜堂深也知卜築非

真宅聊欲跣趺看此心聞道携壺問奇字更因登
木助微音相娛北戶江千頃直下都無地可臨
此生真欲老墻陰却掃都忘歲月深拔薤已觀賢
守政折蔬聊慰故人心風流賀監常吳語憔悴鍾
儀獨楚音治狀兩邦俱第一潁川歸去肯重臨

循守臨行出小槩復用前韻

學語雛鷺在柳陰臨行呼出翠帷深通家不隔同
羊面二守同得路方知異日心趁著春衫游上苑
要求國手教新音嶺梅不用催歸騎截鐙須防舊

所臨

循守近
爲部

種茶

松間旅生茶已與松俱瘦茨棘尚未容蒙翳爭交
構天公所遺棄百歲仍穉幼紫笋雖不長孤根乃
獨壽移栽白鶴嶺土軟春雨後彌旬得連陰似許
晚遂茂能忘流轉苦戢戢出鳥味未任供白磨且
作資摘嗅千團輸大官百餅銜私闔何如此一啜
有味出吾園

白鶴山新居鑿井四十尺遇盤石石盡乃得
泉

海國困烝溽新居利高寒以彼陟降勞易此寢處

東坡全集 卷之二十四
乾但苦江路峻常慙汲腰酸矻矻煩四夫磽磽斲
層巒彌旬得尋丈下有青石磐終日但迸火何時
見飛瀾豐我粲與醪利汝椎與鑽山石有時盡我
意殊未闌今朝僮僕喜黃土復可搏晨餅得雪乳
莫甕渇冰湍我生類如此何適不艱難一勺亦天
賜曲肱有餘歡

三月二十九日二首

南嶺過雲間紫翠北江飛雨送淒涼酒醒夢回春
盡日閉門隱几坐燒香

門外橘花猶的皜墻頭荔子已爛斑樹暗草深人

靜處卷簾欹枕卧看山

吾謫海南子由雷州被命卽行了不相知至
梧乃聞其尚在藤也旦夕當追及作此詩示
之

九疑聯翩屬衡湘蒼梧獨在天一方孤城吹角煙
樹裏落月未落江蒼茫幽人拊枕坐歎息我行忽
至舜所藏江邊父老能說子白鬚紅頰如君長莫
嫌瓊雷隔雲海聖恩尚許遙相望平生學道真實
意豈與窮達俱存亡天其以我爲箕子要使此意
留要荒他年誰作輿地志海南萬古真吾鄉

東坡全集 卷之二十四
行瓊儋間肩輿坐睡夢中得句云千山動鱗
甲萬谷酣笙鐘覺而遇清風急雨戲作此數
句

四州環一島百洞蟠其中我行西北隅如度月半
弓登高望中原但見積水空此生當安歸四顧真
途窮眇觀大瀛海坐詠談天翁茫茫太倉中一米
誰雌雄幽懷忽破散未嘯來天風千山動鱗甲萬
谷酣笙鐘安知非群仙鈞天宴未終喜我歸有期
舉酒屬青童急雨豈無意催詩走群龍夢雲忽變
色笑雷亦改容應怪東坡老顏衰語徒工久矣此

妙聲不聞蓬萊宮

次前韻寄子由

我少卽多難遭回一生中百年不易滿寸寸彎強
弓老矣復何言榮辱今兩空泥丸尚一路古語云

伽梵一路
湟槃門

所向餘皆窮似聞崆峒西仇池迎此翁

胡爲適南海復駕垂天雄下視九萬里浩浩皆積
風回望古合州屬此琉璃鍾離別何足道我生豈
有終渡海十年歸方鏡照兩童還鄉亦何有暫假
壺公龍峩眉向我笑錦水爲君容天人巧相勝不
獨數子工指點昔游處蒿萊生故宮

安期生 并引

安期生世知其爲仙者也然太史公曰蒯通善齊人安期生生嘗以策干項羽羽不能用羽欲封此兩人兩人終不肯受亡去予每讀此未嘗不廢書而歎嗟乎仙者非斯人而誰爲之故意戰國之士如魯連虞卿皆得道者歟

安期本策士平日交蒯通嘗干重瞳子不見隆準公應如魯仲連抵掌吐長虹難堪踞牀洗寧挹扛鼎雄事旣兩大繆飄然籛遺風乃知經世士出世或乘龍豈比山澤臞忍饑啖柏松縱使偶不死正堪爲僕僮茂陵秋風客望祖猶蟻逢蠅海上如瓜夜可聞不可逢

夜夢 并引

七月十三日至儋州十餘日矣澹然無一事學道未至靜極生愁夜夢如此不免以書自怡

夜夢嬉游童子如父師檢責驚走書計功當畢春秋餘今乃始及桓莊初相然悸寤心不舒起坐有如挂鈞魚我生紛紛嬰百緣氣固多習獨此偏棄書事君四十年仕不顧留書繞纏自視汝與丘孰賢易韋三絕丘猶然如我當以犀革編

東坡全集 卷之二十四
遷居之夕聞鄰舍兒誦書欣然而作

幽居亂蛙鼃生理半人禽
斐然已可喜況聞弦誦
音兒聲自圓美誰家兩青衿
且欣習齊咻未敢笑
越吟九齡起韶石姜子家
日南吾道無南北安知
不生今海濶尚挂斗天高
欲橫參荆榛短墻缺燈
火破屋深引書與相和
置酒仍獨斟可以侑我醉
琅然如玉琴

聞子由瘦

僂耳至難得肉食

五日一見花豬肉十日一遇黃雞粥
土人頓頓食諸芋薦以熏鼠燒蝙蝠
舊聞蜜唧嘗嘔吐稍近蝦

墓緣習俗十年京國厭肥羜
日日烝花壓紅玉從

來此腹負將軍今者固宜安脫粟

俗諺云大將軍食飽捫腹而歎

曰我不負汝左右曰將軍固不負此腹此腹負將軍未嘗出少智慮也

人言天下無

正味卽且未遽賢麋鹿海康別駕復何爲
帽寬帶落驚僮僕相看會作兩臞仙
還鄉定可騎黃鵠

客俎經旬無肉又子由勸不讀書
蕭然清坐乃無一事

病怯鯉鰾不買魚尔來心腹一時虛
使君不復憐烏攫屬國方將掘鼠餘
老去獨收人所棄游哉時到物之初
從今免被孫郎笑絳帕蒙頭讀道書

宥老楮

我牆東北隅張王維老穀樹先樗櫟大葉等桑柘
沃流膏馬乳漲墮子楊梅熟胡爲尋丈地養此不
材木蹶之得與薪規以種松菊靖言求其用略數
得五六膚爲蔡侯紙子入桐君錄黃繒練成素黝
面頰作王灌灑烝生菌腐餘光吐燭雖無傲霜節
幸免狂醒毒孤根信微陋生理有倚伏投斧爲賦
詩德怨聊相贖

觀碁

并引

予素不解棋嘗獨游廬山白鶴觀觀中人皆闔戶

晝寢獨聞棋聲於古松流水之間意欣然喜之自
爾欲學然終不解也兒子過乃粗能者儋守張中
日從之戲予亦隅坐竟日不以爲厭也

五老峰前白鶴遺趾長松蔭庭風日清美我時獨
游不逢一士誰歟棋者戶外屨二不聞人聲時聞
落子紋枰坐對誰究此味空鈎意鈎豈在魴鯉小
兒近道剥啄信指勝固欣然敗亦可喜優哉游哉
聊復爾耳

糴米

糴米買束薪百物資之市不緣耕樵得飽食殊少

味再拜請邦君願受一塵地知非笑昨夢食力免
內愧春秋幾時花夏稗忽已穉悵焉撫耒耜誰復
識此意

入寺

曳杖入寺門輯杖挹世尊我是王堂仙謫來海南
村多生宿業盡一氣中夜存旦隨老鴉起饑食扶
桑暎光圓摩尼珠照耀玻璃盆來從佛印可稍覺
魔忙奔閑看樹轉午坐到鐘鳴昏歛收平生心耿
耿聊自溫

次韻子由三首

東亭

仙山佛國本同歸世路玄關兩背馳到處不妨閑
卜築流年自可數期願遙知小檻臨塵市定有新
松長棘次誰道茆簷劣容膝海天風雨看紛披

東樓

白髮蒼顏自照盆董生端合是前身獨栖高閣多
辭客爲著新書未絕麟小醉易醒風力軟安眠無
夢雨聲新長歌自調真堪笑底處人間是所欣

厚詩云長歌返故
室自謂非所欣

椰子冠

天教日飲欲全絲美酒生林不待儀自漉踈巾邀
醉客更將空殼付冠師前漢高紀注云薛有作冠師規摹簡古
人爭看簪導輕安髮不知更著短簷高屋帽東坡
何事不違時

次韻子由月季花再生

幽芳本長春暫瘁如蝕月且當付造物未易料枯
枿也知宿根深便作紫笋茁乘時出婉婉爲我暖
栗冽先生蚤貴重廟論推英拔如今城東瓜不記
召南菱陋居有遠寄小圃無闊躡還爲久處計坐
待行年子由明年六十一臘果綴梅枝春盃浮竹葉誰言

一萌動已覺萬木活聊將玉蕊新

世謂此玫瑰花

插向綸

巾折

次韻子由浴罷

理髮千梳淨風晞勝湯沐閉息萬竅通霧散名乾
浴頽然語默喪靜見天地復時令具薪水漫欲濯
腰腹陶匠不可求盆斛何由足海南無浴器故常乾浴而已老

雞卧糞土振羽雙瞑目倦馬驟風沙奮鬣一噴王
垢淨各殊性快愜聊自沃雲母透蜀紗琉璃瑩蘄
竹稍能夢中覺漸使生處熟楞嚴在牀頭妙偈時
仰讀返流歸照性獨立遺所矚未知仰山禪已就

季主卜安心會自得助長毋相督

借前韻賀子由生第四孫斗老

今日散幽憂彈冠及新沐況聞萬里孫已報三日
浴朋來四男子大壯泰臨復開書喜見面未飲春
生腹無官一身輕有子萬事足舉家傳吉夢殊相
驚凡目爛爛開眼電礲礲峙頭王

李賀詩云頭王礲礲眉宇翠杜

郎生得真男子但今強筋骨可以耕衍沃不須富文章端

解耗紙竹君歸定何日我計久已熟長留五車書

要使九子讀吾與子由共九孫男吳簞瓢有內樂軒冕無流

矚人言适似我窮達已可卜蚤謀二頃田莫待八

州督吾前後典八州

獨覺

瘴霧二年恬不怪反畏北風生體疥朝來縮頸似
寒鴉焰火生薪聊一快紅波翻屋春風起先生默
坐春風裏浮空眼纈散雲霞無數心花發桃李翛
然獨覺午窓明欲覺猶聞醉鼾聲回首向來蕭瑟
處也無風雨也無晴

十二月十七日夜坐達曉寄子由

燈燼不挑垂暗葦爐香重撥尚餘薰清風欲發鴉
翻樹缺月初升犬吠雲閉眼此心新活計隨身孤

影舊知聞雷州別駕應危坐跨海幽光與子分

謫居三適三首

旦起理髮

安眠海自運浩浩潮黃宮日出露未晞鬱鬱濛濛霜
松老櫛從我久齒踈含清風一洗耳目明習習萬
竅通少年苦嗜睡朝謁常忽忽爬搔未云足已困
冠巾重何異服轅馬沙塵滿風驟珂鞍響珂月實
與杻械同解放不可期枯柳豈易逢誰能書此樂
獻與腰金公

午窓坐睡

蒲團盤兩膝竹几閣雙肘此間道路熟徑到無何
有身心兩不見息息安且久睡蛇本亦無何用鉤
與手神疑疑夜禪體適劇卯酒我生有定數祿盡
空餘壽枯楊下飛花膏澤回衰朽謂我此爲覺物
至了不受謂我今方夢此心初不垢非夢亦非覺
請問希夷叟

夜卧濯足

長安大雪年束薪抱衾稠雲安市無井斗水寬百
憂今我逃空谷孤城嘯鶴鷓得米如得珠食菜不
敢留况有松風聲釜鬻鳴颼颼瓦盎深及膝時復

東坡全集 卷之二十四
冷暖投明燈一爪翦快若鷹辭鞞天低瘴雲重地
薄海氣浮土無重腿藥獨以薪水瘳誰能更包裹
冠履裝沐猴

子由生日

上天不難知好惡與我一方其未定間人力破陰
騶少忍待其定報應真可必季氏生而仁觀過見
其實端如柳下惠焉往不三黜天有時而定壽考
未易畢兒孫七男子三子四孫次第皆逢吉遙知設羅
門獨掩懸磬室回思十年事無愧篋中筆但願白
髮兄年年你生日

以黃子木柱杖爲子由生日之壽

靈壽扶孔光菊潭飲伯始雖云閑草木豈樂蒙此
耻一時偶收用千載相癡痕海南無佳植野果名
黃子堅瘦多節目天材任操倚嗟我始剪裁世用
或緣此貴從老夫手往配先生凡相從歸故山不
愧仙人杞本草枸杞一名仙人杖

過於海船得邁寄書酒作詩遠和之皆粲然
可觀子由有書相慶也因用其韻賦一篇并
寄諸子姪

我似老牛鞭不動雨滑泥深四蹄重汝如黃犢走

却來海闊山高百程送庶幾門戶有八慈不恨居
鄰無二仲他年汝曹笏滿床中夜起舞踏破甕會
當洗眼看騰躍莫指癡腹笑空洞譽兒雖是兩翁
癖積德已自三世種豈惟萬一許生還尚恐九十
煩玆從六子晨耕筆瓢出衆婦夜績燈火共春秋
古史乃家法詩筆離騷亦時用但今文字還照世
糞土腐餘安足夢

上元夜過赴儋守召獨坐有感

戊寅歲

使君置酒莫相違守舍何妨獨掩扉靜看月窓盤
蜴蜥卧聞風幔落蚺蜍燈花結盡吾猶夢香篆消

時汝欲歸搔首淒涼十年事傳柑歸遺滿朝衣

海南人不作寒食而以上巳上冢予携一瓢

酒尋諸生皆出矣獨老符秀才在因與飲至

醉符蓋儋人之安貧守靜者也

老鴉銜肉紙飛灰萬里家山安在哉蒼耳林中太
白過鹿門山下德公回管寧投老終歸去王式當
年本不來記取城南上巳日木綿花落刺桐開

新居

朝陽入北林竹樹散踈影短籬尋丈間寄我無窮
境舊居無一席逐客猶遭屏結茅得茲地翳翳村

東坡全集 卷之二十四
巷永數朝風雨涼畦菊發新穎俯仰可卒歲何必
謀二頃

五色雀

并引

海南有五色雀常以兩絳者爲長進止必隨焉俗
謂之鳳皇云久旱而見輒雨潦則反是吾卜居儋
耳城南嘗一至庭下今日又見之進士黎子雲及
其弟威家旣去吾舉酒祝之曰若爲吾來者當再
集也已而果然乃爲賦詩

粲粲五色羽炎方鳳之徒青黃縞玄服翼衛兩紱
朱仁心知閔農常告雨霽符我窮惟四壁破屋無

瞻烏惠然此粲者來集竹與梧鏘鳴如王佩意欲
相嬉娛寂寞兩黎生食菜真臞儒小圃散春物野
桃陳雪膚舉盃得一笑見此紅鸞雛高情如飛仙
未易握粟呼胡爲去復來眷眷豈屬吾回翔天壤
間何必懷此都

倦夜

倦枕厭長夜小窓終未明孤村一犬吠殘月幾人
行衰髮久已白旅懷空自清荒園有絡緯虛織竟
何成

用過韻冬至與諸生飲酒

東坡全集 卷之二十四
小酒生黎法乾糟几盎中芳辛知有毒滴瀝取無窮凍醴寒初泫春醅暖更饒華夷兩樽合醉笑一歡同里閨峩山北田園震澤東歸期那敢說安訊不曾通鶴髮驚全白犀圍尚半紅愁顏解符老壽耳鬪吳翁得穀鵝初飽亡猫鼠益豐黃薑收土芋蒼耳斫霜叢兒瘦綠儲藥奴肥爲種松頻頻非竊食數數尚乘風河伯方夸若靈媧自舞馮歸途陷泥淖炬火燎茅蓬膝上王文度家傳張長公和詩仍醉墨戲海亂群鴻

符吳皆坐客其餘皆卽事實錄也

縱筆三首

寂寂東坡一病翁白鬚蕭散滿霜風小兒悞喜朱顏在一笑那知是酒紅

父老爭看烏角巾應緣曾現宰官身谿邊古路三叉口獨立斜陽數過人

北船不到米如珠醉飽蕭條半月無明日東家知祀竈隻雞斗酒定贖吾

貧家淨掃地

貧家淨掃地貧女好梳頭下土晚聞道聊以拙自脩扣門有佳客一飯相邀留春炊勿草草此客未易媮慎勿用勞薪感我如薰蕕德人抱衡石銖黍

安可瘦

次韻子由贈吳子野先生二絕句

馬迹車輪滿四方苦爲閉暑小茆堂仙心欲捉左
元放癡疾還同顧長康

江令蒼苔圍故宅謝家語鸞集華堂先生笑說江
南事祇有青山繞建康

被酒獨行徧至子雲威徽先覺四黎之舍三

首

半醒半醉問諸黎竹刺藤梢步步迷但尋牛矢覓
歸路家在牛欄西復西

總角黎家三小童口吹葱葉送迎翁莫作天涯萬
里意谿邊自有舞雩風

符老風情柰老何朱顏減盡鬢絲多投梭每困東
隣女換扇唯逢春夢婆

是日復見符林秀才說換扇之事

夜燒松明火

歲暮風雨交客舍淒薄寒夜燒松明火照室紅龍
鸞快焰初煌煌碧煙稍團團幽人忽富貴總帳芬

椒蘭珠煤綴屋稍香滿

音詣松瀝也
出本草注

流銅槃坐看

十八公俯仰灰燼殘齊奴朝爨蠟萊公夜長歎海
康無此物燭盡更未闌

東坡全集 卷之二十四
庚辰歲人日作時聞黃河已復北流老臣舊
數論此今斯言乃驗

老去仍栖隔海村夢中時見作詩孫天涯已慣逢
人日歸路猶欣過鬼門三策已應思賈讓孤忠終

未赦虞翻典衣剩買河源米屈指新筭作上元

不用長愁挂月村檳榔生子竹生孫

海南勒竹每節生枝如竹

竿大蓋竹孫也新巢語燕還窺硯舊雨來人不到門春木

蘆根看鶴立夕陽楓葉見鴉翻此生念念隨泡影

莫認家山作本元

庚辰歲正月十二日天門冬酒熟予自漉之

且漉且嘗遂以大醉二首

自撥床頭一甕雲幽人先已醉濃芬天門冬熟新

年喜麴米春香並舍聞

杜子美詩云聞道雲安麴米春蓋酒名也

菜圃

漸踈花漠漠竹扉斜掩雨紛紛擁裘睡覺知何處

吹面東風散纈紋

載酒無人過子雲年來家醞有奇芬醉鄉杳杳誰

同夢睡息齁齁得自聞口業向詩猶小小眼花因

酒尚紛紛點餠更試淮南語汎溢東風有穀紋

淮南

子云東風至而酒汎溢許慎注云酒汎清酒也

追和戊寅歲上元

春鴻社鷺巧相違白鶴峰頭白板扉石建方欣洗
牖廁姜龐不解歎蠮螋一龕京口嗟春夢萬炬錢
塘憶夜歸合浦賣珠無復有當年笑我泣牛衣

題過所畫枯木竹石

老可能爲竹寫真小坡今與石傳神山僧自覺菩
提長心境都將付卧輪

散木支離得自全交柯蚘蟻欲相纏不須更說能
鳴鴈要以空中得盡年

倦看澁勒暗蠻村亂棘孤藤束瘴根唯有長身六
君子依依猶得似淇園

真一酒歌

并引

布算以步五星不如仰觀之捷吹律以求中聲不
如耳齊之審鈇汞以爲藥策易以候火不如天造
之真也是故神宅空樂出虛踟躕者以氣升孰能
推是理以求天造之藥乎於此有物其名曰真一
遠游先生方治此道不飲不食而飲此酒食此藥
居此堂予亦竊其一二故作真一之歌其詞曰
空中細莖插天芒不生沮澤生陵岡涉閱四氣更
六陽森然不受螟與蝗飛龍御月作秋涼蒼波改
色屯雲黃天旋雷動玉塵香起搜十裂照坐光跏

東坡全集 卷之二十五 二百四十
跌牛噍安且詳動搖天關出瓊漿壬公飛空丁女
藏三伏遇井了不嘗釀為真一和而莊三杯儼如
君王湛然寂照非楚狂終身不入無功鄉

咬且齋之審釜未以為藥策良以知火不咬天豈
亦真以步正星不咬咄躡之對如幹以未中釀不

君子真一啜烟

東坡全集第二十五卷

西蜀後學張養正校正

聶紹昌編刻

汲江煎茶

活水還須活火烹

唐人云茶須緩
火多活火煎

自臨釣石取深

清大瓢貯月歸春甕小杓分江入夜銚茶雨已翻
煎處脚松風忽作瀉時聲枯腸未易禁三盃坐數
荒村長短更

予來儋耳得吠狗曰烏觜甚猛而馴隨予遷
合浦過澄邁泗而濟路人皆驚戲為作此詩
烏喙本海葵幸我為之主食餘已瓠肥終不憂鼎

東坡全集 卷之二十五
俎畫馴識賓客夜捍爲門戶知我當北還掉尾喜
欲舞跳踉趨僮僕吐舌喘汗雨長橋不肯躡徑度
清深浦拍浮似鶩鴨登岸劇虓虎盜肉亦小疵鞭
箠當貫汝再拜謝恩厚天不遣言語何當寄家書
黃耳定乃祖

澄邁驛通潮閣二首

倦客遙間歸路遙眼明飛閣俯長橋貪看白鷺橫
秋浦不覺青林沒晚潮
餘生欲老海南村帝遣巫陽招我魂杳杳天低鷓
沒處青山一髮是中原

洞酌亭詩

并引

瓊山郡東衆泉窟發然皆冽而不食丁丑歲六日
軾南遷過瓊始得雙泉之其於城之東北隅以告
其人自是汲者常滿泉相去咫尺而異味庚辰歲
六月十七日遷于合浦復過之太守承議郎陸公
求泉上之亭名與詩名之曰洞酌其詩曰
洞酌彼兩泉挹彼注茲一鉞之中有澗有溜以瀹
以烹衆喊莫齊自江徂海浩然無私豈弟君子江
海是儀旣味我泉亦濟我詩

六月二十日夜渡海

東坡全集 卷之二十五
參橫斗轉欲三更苦雨終風也解晴雲散月明誰
點綴天容海色本澄清空餘魯叟乘桴意粗識軒
轅奏樂聲九死南荒吾不恨茲游竒絕冠平生

自雷適廉宿於興廉村淨行院

荒涼海南北佛舍如雞栖忽此榕林中跨空飛拱
枅當門冽碧井洗我兩足泥高堂磨新甑洞戶分
角圭倒床便甘寢鼻息如虹霓僮僕不肯去我爲
半日稽晨登一葉舟醉几十里谿醒來知何處歸
路老更迷

廉州龍眼質味殊絕可敵荔枝

龍眼與荔枝異出同父祖端如柑與橘未易相可
否異哉西海濱琪樹羅玄圃纍纍似桃李一一流
膏乳坐疑星隕空又恐珠還圃圖經未嘗說王食
遠莫數獨使皴皮生弄色映瑤俎蠻荒非汝辱幸
免妃子汗

合浦愈上人以詩名嶺外將訪道南嶽留詩
壁上云閑伴孤雲自在飛東坡居士過其精
舍戲和其韻

孤雲出岫豈求伴錫杖凌空自要飛爲問庭松尚
西指不知老壯幾年歸

東坡全集 卷之三十三
梅聖俞之客歐陽晦夫使工畫茅庵已居其中一琴橫牀而已曹子方作詩四韻僕和之云

寂寞王子猷回船剡溪路迢迢戴安道雪夕誰與度倒披王恭氅半掩袁安戶應調折絃琴自和撚鬚句

歐陽晦夫惠琴枕

中郎不眠仰看屋得此古椽圍尺竹輪困漉落非笛材剖作袖琴徽軫足流傳幾處到淵明卧枕綸巾酒新漉孤鸞別鵠誰復聞鼻息齁齁自成曲

留別廉守

編萑以荳猪墻塗以塗之小餅如嚼月中有酥與飴懸知合浦人長誦東坡詩好在真一酒爲我醉宗資

餅筵詩

并引

庚辰八月二十八日劉幾仲餞飲東坡中觴聞笙簫聲杳杳若在雲霄間抑揚往返粗中音節徐而察之則出於雙餅水火相得自然吟嘯蓋食頃乃已坐客驚嘆得未曾有請作餅筵詩記之

孤松吟風細泠泠獨爾長縑女媧笙陋哉石鼎逢

東坡全集 卷之二十五
彌明丘蚓竅作蒼蠅聲餅中宮商自相賡昭文無
虧亦無成東坡醉熟呼不醒但云作勞吾耳鳴

歐陽晦夫遺接羅琴枕戲作此詩謝之

携兒過嶺今七年晚塗更著黎衣冠白頭穿林要
藤帽赤脚渡水須花纓不愁故人驚絕倒但使俚
俗相恬安見君合浦如夢寐挽鬚握手俱沈瀾妻
縫接羅霧縠細兒送琴枕冰微寒無絃且寄陶令
意倒載猶作山公看我懷汝陰六一老眉宇秀發
如春巒羽衣鶴望古仙伯岌岌兩柱扶霜紈至今
畫像作此服凜如退之加渥丹爾來前輩皆鬼錄

我亦帶脫巾歎寬作詩頗似六一語徃徃亦帶梅
翁酸

次韻王鬱林

晚塗流落不堪言海上春泥手自翻漢使節空餘
皓首故侯瓜在有頽垣平生多難非天意此去殘
年盡主恩誤辱使君相收拭寧聞老鶴更乘軒

藤州江下夜起對月贈邵道士

江月照我心江水洗我肝端如徑寸珠墮此白玉
盤我心本如此月滿江不湍起舞者誰歟莫作三
人看嶠南瘴毒地有此江月寒乃知天壤間何人

身城全集 卷之三十五
不清安床頭有白酒盎若白露溥獨醉還獨醒夜
氣清漫漫仍呼邵道士取琴月下彈相將乘一葉
夜下蒼梧灘

徐元用使君與其子端常邀僕與小兒過同
游東山浮金堂戲作此詩

昔與徐使君共賞錢塘春愛此小天竺時來中聖
人松如遷客老酒似使君醇繫舟藤城下弄月鐔
江濱江月夜夜好雲山朝朝新使君有令子真是
石麒麟我子乃散材有如水輪困二老白接離兩
郎烏角巾醉卧松下石扶歸江上津浮橋半沒水

揭此碧鱗鱗

送鮮于都曹歸蜀灌口舊居

籀盡霜鬚照碧銅依然春雪在長松朝行犀浦催
收芋夜渡繩橋看伏龍莫歎倦游無駟馬要將老
健敵千鐘子雲三世惟身在爲向西南說病容

送邵道士彥肅還都嶠

乞得紛紛擾擾身結茆都嶠與仙隣少而寡慾顏
常好老不求名語益真許邁有妻還學道陶潛無
酒亦從人相隨十日還歸去萬劫清遊結此因

書韓幹二馬

東坡全集 卷之二十五
赤髯碧眼老鮮卑回策如縈獨善騎赭白紫騮俱
絕世馬中岳湛有妍姿

將至廣州用過韻寄邁迨二子

皇天遣出家臨老乃學道比歸爲兒子破戒堪一
笑披雲見天眼回首失海潦蠻唱與黎歌餘音猶
杳杳大兒牧衆穉四歲守孤嶠次子病學醫三折
乃粗曉小兒耕且養得暇爲書繞我亦困詩酒去
道愈茫渺紛紛何時定所至皆可老莫學柳儀曹
詩書教氓獠亦莫事登陟谿山有何好安居與我
游閉戶淨酒掃

贈鄭清叟秀才

風濤戰扶胥海賊橫泥子胡爲犯二怖博此一笑
喜問君奚所欲欲談仁義耳我才不逮人所有聊
足已安能相付予過聽君誤矣霜風掃瘴毒冬日
稍清美年來萬事足所欠惟一死澹欲兩無求滑
淨空斐几

和孫叔靜兄弟李端叔唱和

病骨瘦欲折霜髯籥更踈喜聞新國政兼得故人
書秉燭真如夢傾盃不敢餘天涯老兄弟懷抱幾
時攄

廣倅蕭大夫借前韻見贈復和荅之

坐還粗勝虞早退不如踈垂死初聞道平生誤信
書風濤驚夜半疾病送災餘賴有蕭夫子幽懷得
少攄心閑詩自放筆老語翻踈贈我皆強韻知君
得異書滔滔沮叟是綽綽孟生餘一笑滄溟側應
無憤可攄

王進叔所藏畫跋尾五首

徐熙杏花

江左風流王謝家盡携書畫到天涯却因梅雨丹
青暗洗出徐熙落墨花

趙昌四季

芍藥

倚竹佳人翠袖長天寒猶著薄羅裳揚州近日紅
千葉自是風流時世粧

躑躅

楓林翠壁楚江邊躑躅千層不忍看開卷便知歸
路近劔南樵叟爲施丹

寒菊

輕肌弱骨散幽葩真是青裙兩髻丫便有佳名配
黃菊應緣霜後苦無花

山茶

遊蜂掠盡粉絲黃
落蕊猶收蜜露香
待得春風幾
枝在年來殺菽有飛霜

和黃秀才鑒空閣

明月本自明無心
熟爲境挂空如水
鑒寫此山河
影我觀大瀛海巨
浸與天永九州居
其間無異蛇
盤鏡空水兩無質
相照但耿耿妄云
桂兔暮俗說
皆可屏我游鑒空
閣缺月正淒冷黃
子寒無衣對
月句愈警借君方
諸淚二沐管城穎
誰言小叢林
清絕冠五嶺

韋偃牧馬圖

神工妙技帝所收
江都曹韓逝莫留
人間畫馬唯
韋侯當年爲誰掃
驂騑至今霜蹏踏
長楸圍人困
卧沙壠頭沙苑茫
茫蒺藜秋風髮霧
鬣寒颼颼龍
種尚與鴛胎游長
稽短豆豈我羞八
鑾六轡非馬
謀古來西山與東
丘

題靈峰寺壁

靈峯山上寶陀寺
白髮東坡又到來
前世德雲今
我是依希猶記妙
高臺

衆妙堂

廣州何道士

湛然無觀古真人我獨觀此衆妙門夫物芸芸各
歸根衆中得一道乃存道人晨起開東軒趺坐一
醉扶桑暎餘光照我玻璃盆倒射窓几清而温欲
收月魄餐日魂我自日月誰使吞

題馮通直明月湖詩後

老衍清篇墨未枯小馮新作語尤殊呼兒淨洗涵
星硯爲子賡歌墮月湖聞道狎江空抱珥年來合
浦自還珠請君多釀蓮花酒準擬王喬下履鳧

有西珥河卽古狎柯江也河
形如月耳珥故名之西珥云

次韻鄭介夫二首

一落泥塗迹愈深尺薪如桂米如金長庚到曉空
陪月太歲今年合守心相與齧瓊持漢節何妨振
履出商音孤雲倦鳥空來往自要閑飛不作霖
一生憂患萃殘年心似驚蠶未易眠海上偶來期
汗漫葦間猶得見寅緣良醫自要經三折老將何
妨敗兩甄收取桑榆種梨棗祝君眉壽似增川
昔在九江與蘇伯固唱和其略曰我夢扁舟
浮震澤雪浪橫江千頃白覺來滿眼是廬山
倚天無數開青壁蓋實夢也昨日又夢伯固
手持乳香嬰兒示予覺而思之蓋南華賜物

也豈復與伯固相見於此耶今得來書已在南華相待數日矣感歎不已故先寄此詩

扁舟震澤定何時滿眼廬山覺又非春草池塘惠連夢上林鴻雁子卿歸水香知是曹谿口眼淨同看古佛衣不向南華結香火此生何處是真依

次韻韶守狄大夫見贈二首

華髮蕭蕭老遂良褚河南帖云即日遂良鬚髮盡白蓋謫長沙時也一身

萍挂海中央無錢種菜為家業有病安心是藥方才疎正類孔文舉癡絕還同顧長康萬里歸來空泣血七年供奉殿西廊迹英閣在延和殿兩廊下

森森畫戟擁朱輪坐詠梁公覺有神白傅間游空

誦句事見樂天吳郡詩石叙拾遺窮老敢論親事見子美贈秋明府詩

東海莫懷踈受意西風幸免庾公塵為公過嶺傳

新唱催發寒梅一信春

次韻韶倅季通直二首

一篇瀧吏可書紳莫向長沮更問津老去常憂伴新鬼歸來且喜是陳人曾陪令尹蒼髯古又見郎君白髮新回首天涯一惆悵却登梅嶺望楓宸

青山祗在古城隅萬里歸來卜築初會見四山朝鶴駕更看二李控鯨魚欲從抱朴傳家學應怪中

郎得異書待我丹成馭風去借君瓊佩與霞裾僕昔

為開封幕先公為赤令暇日相與論內外丹且出其丹示僕今三十年而見君曲江同遊南華行山水間數日道舊感歎且歡我卜居于舒故詩中皆及之

狄韶州煮蔓菁蘆蕈羹

我昔在田間寒庖有珍烹常支折脚鼎自煮花蔓菁中年失此味想像如隔生誰知南嶽老解作東坡羹中有蘆蕈根尚含曉露清勿語貴公子從渠醉羶腥

李伯時畫其弟亮功舊宅圖

樂天蚤退今安有摩詰長閑古亦無五畝自栽池

上竹十年空看輞川圖近聞陶令開三徑應許楊

雄寄一區晚歲與君同活計如雲鷺鴨散平湖

贈龍光長老

所得龍光竹兩竿持歸嶺北萬人看竹中一滴曹溪水漲起西江十八灘

贈嶺上老人

鶴骨霜髯心已灰青松合抱手親栽問翁大庾嶺頭住曾見南遷幾個回

贈嶺上梅

梅花開盡雜花開過盡行人君不來不趁青梅嘗

煮酒要看細雨熟黃梅

予昔過嶺而南題詩龍泉鐘上今復過而北

次其韻

秋風卷黃落朝雨洗綠淨人貪歸路好節近中原
正下嶺獨徐行艱嶮未敢忘遙知叔孫子已致魯
諸生

過嶺

暫著南冠不到頭却隨北鴈與歸休平生不作兔
三窟今古何殊貉一丘當日無人送臨賀至今有
廟祀潮州劍關西望七千里乘興真爲玉局游

留題顯聖寺

渺渺疎林集晚鴉孤村煙火梵王家幽人自種千
頭橘遠客來尋百結花浮石已乾霜後水焦坑閑
試雨前茶祗疑歸夢西南去翠竹江村繚白沙

予初謫嶺南過田氏水閣東南一峯豐下銳
上俚人謂雞籠山予更名獨秀峯今復過之
戲留一絕

倚天巉絕玉浮屠肯與彭郎作小姑獨秀江南知
有意要三二別四方壺

乞數珠一首贈南禪湜老

東坡全集 卷之二十五
從君覓數珠老境伏消遣未敢轉千佛且從千佛
轉儒生推變化乾策數大衍道士守玄牝龍虎看
舒卷我老安能爲萬劫付一喘默坐閱塵界往來
八十反區區我所寄蹙縮蠶在繭適從海上回蓬
萊又清淺

鬱孤臺

再過虔州
和前韻

吾生如寄耳嶺海亦閑游贛石三百里寒江尺五
流楚山微有霰越毒久無秋望斷嶺南嶠魂飛咤
雪洲曉鐘時出寺暮鼓各鳴樓歸路迷千嶂勞生
閱百州不隨猿鶴化甘作賈胡留祗有貂裘在猶

堪買釣舟

虔守霍大夫監郡許朝奉見和此詩復次前
韻

大邦安靜治小院得閑游贛水雨已漲廉泉春水
流同烹貢茗雪一洗瘴茅秋秋思生尊鱠寒衣待
橘州楊雄未有宅王粲且登樓老境無多日歸心
夢幾州敢因逃酒去端爲和詩留舊篋藏新語清
風自滿舟

贈虔州術士謝君

屬國新從海外歸君平且莫下簾帷前生恐是盧

東坡全集 卷之二十五
行者後學過呼韓退之死後人傳戒定慧生時宿
直斗牛箕憑君爲筭行年看便數生時到死時

虔州景德寺榮師湛然堂

卓然精明念不起兀然灰稿照不滅方定之時慧
在定定慧寂照非兩法妙湛總持不動尊默然真
入不二門語息則默非對語此話要將周易論諸
方人人把雷電不容細看真頭面欲知妙湛與總
持更問江東三語掾

和陽行先

用鬱孤臺韻

室空惟法喜心定有天游摩詰元無病須洎不入

流苦嫌尋直枉坐待寸田秋雖未麒麟閣已逃鸚
鵡洲酒醒風動竹夢斷月窺樓衆謂元德秀自稱
陽道州拔葵終相魯辟穀會封留用舍俱無礙飄
然不繫舟

用數珠韻贈湜長老

嗣宗雖不言叔寶猶理遣東坡但熟睡一夕一展
轉南遷昔虞翻却掃今馮衍古佛旣手提諸方皆
席卷當年清隱老鶴瘦龜不喘和我彈丸詩百發
亦百反耆年日凋喪但有犢角蠻時來窺方丈共
笑虎毛淺

和猶子遲贈孫志舉

軒裳大爐鞴陶冶一世人從衡落模範誰復甘饑
貧可憐方回癡初不疑嘉賓頗念懷祖黠瞋兒與
兵姻失身墮浩渺投老無涯垠回看十年舊誰似
數子真孫郎表獨立霜戟交重圍深居小汝覲豈
問親與隣進技皆秀傑英氣推伯仁我從海外歸
喜及崆峒春新年得異書西郭有逸民陽行先以
登真隱訣
見小孫又過我歡老平生親清詩五百言句句皆
借絕倫養火雖未伏要是丹砂銀我家六男子朴學
非時新詩詞各璀璨老語徒用諄願言敦夙好未

與竹林均六子豈可忘從我屢厄陳

南禪長老和詩不已故作六蟲篇答之

鳳凰覽德輝遠引不待遣鷦鷯戀庭宇倏忽來千
轉那將坐井蛙而比談天衍蠹魚著文字槁死猶
遭卷老牛疲耕作見月亦妄喘東坡方三問南禪
已五反老人但目擊侍者應足爾爾最後六蟲篇深
寄恨語淺

明日南禪和詩不到故重賦數珠篇以督之

二首

未來不可招已過那容遣中間見在心一一風輪

東坡全集 卷之二十五
轉自從一生二巧歷莫能衍不如袖手坐六用都
懷卷風雷生聲效萬竅自號喘詩人思無邪孟子
內自反大珠分一月細縷合兩鬢纍然挂禪床妙
用夫豈淺
朝來取飯化乃是維摩遺全鋒雖未露半藏已曾
轉說有陋裴頠談無笑上行看經聊尔耳遮眼初
不卷三陀故自醒一呷何由喘請歸視故櫝靜夜
珠當反安居三十年古衲磨山璽持珠尚默坐豈
是功用淺

用前韻再和霍大夫

文字先生飲

謂劉執中

江山清獻游典刑傳父老尊俎

繼風流度嶺逢梅雨還家指麥秋自慚鴻鴈侶爭
集稻梁洲野闊橫雙練城堅聳百樓行看鳳尾語
却下虎頭州君意已吳越我行無去留歸塗應食
粥乞米使君舟

用前韻再和許朝奉

高門元世舊客路晚追遊清絕聞詩語疎通豈法
流傳家有衣鉢斷獄盡春秋邂逅陪車馬尋芳謝
眺洲淒涼望鄉國得句仲宣樓恨賦投湘水悲歌
祀柳州何如五字律相與一樽留更約登塵外歸

時月滿舟

用前韻再和孫志舉

人衆者勝天天定亦勝人鄧通豈不富郭解安得
貧驚飛賀厦鸞走散入幕賓醉眠中山酒夢結南
柯姻寵辱能幾何悲歡浩無垠回視人間世了無
一事真洒掃古玉局香火通帝闈我室思無邪我
堂德有隣所至爲鄉里事賢友其仁之子富經術
蔚如井火春鮑醴楚南極淑氣生此民唱高和自
寡非我誰當親譬彼嶰谷竹剪裁侍伶倫俗學奸
可鄙紙繒配芻銀聊將調癡鬼亦復爭華新願子

事篤實浮言掃譖諄窮通付造物得喪理本均期
子如太倉會當發陳陳

崔文學甲携文見過蕭然有出塵之姿問之
則孫介夫之甥也故復用前韻賦一篇示志
舉

象服盛簪珥豈是刑夫人弊衣破冠履可憐范叔

貧君看崔員外晚就觀國賓當年頗赫赫翁媪爭

爲姻事見退之贈
崔員外詩躡蹠阻風水橫斜挂邊垠青衫

映白髮今似梅子真道存百無害甘守吳市圍自

言總角歲慈母爲擇隣邦人驚似舅矯矯惡不仁

詩文非他師家法乃富春豈非空同秀爲國產儁
民挺然齊魯生近出姬姜親爲文不在多一領了
伯倫清詩要鍛鍊乃得鈆中銀自我遷嶺外七見
槐火新著書已絕筆一默含千諄蕢桴和葦籥天
節非人均時時自娛嬉豈爲俗子陳

畫車詩二首

何人畫此隻輪車便是當年欵器圖上易下難須
審細左提右挈免踈虞

九衢歌舞頌王明誰惻寒泉獨自清賴有千車能
散福化爲膏雨滿重城

虔州呂倚承奉年八十三讀書作詩不已好
收古今帖貧甚至食不足

楊雄老無子馮衍終不遇不識孔方兄但有靈照
女家藏古今帖墨色照箱篋饑來據空案一字不
堪煮枯腸五千卷磊落相撐往吟爲蝸蝻聲時有
島可句爲語里長者德齒敬已古如翁有幾人薄
少可時助

王子直去歲送子由北歸徃反百舍今又相
逢贛上戲用舊韻作詩留別

米盡無人典破裘送行萬里一鄒游解舟又欲携

君去歸舍聊須與婦謀聞道年來丹伏火不愁老
去雪盈頭剩買山田添鶴口廟堂新拜富民侯

次韻王晦叔二首

人老家何在龍眠雨未驚酒船回太白穉子候淵
明幸與登仙郭同依坐嘯成小樓看月上劇飲到
參橫

鐘鼓江南岸歸來夢自驚浮雲世事改孤月此心
明雨已傾盆落詩仍翻水成二江爭送客木杪看
橋橫

次韻江晦叔兼呈噐之

橫空初不跨鵬翮但覺胡床步步高噐之言嘗夢

所坐床皆起空中一枕晝眠春有夢扁舟夜渡海無濤歸

來又見顛茶陸多病仍逢止酒陶笑說南荒底處
所祇今榕葉下亭臯

寒食與噐之游南塔寺寂照堂

城南鐘鼓闐清新端為投荒洗瘴塵總是鏡空堂
上客誰為寂照境中人紅英掃地風驚曉綠葉成
陰雨洗春記取明年作寒食杏花曾與此翁隣

噐之好談禪不喜游山山中笋出戲語噐之
可同叅王板長老作此詩

叢林真百丈法嗣有橫枝王叔橫枝竹筍也不怕石頭露
來參玉板師聊憑柏樹子與問籙龍兒瓦礫猶能
說此君那不知

未和清都觀謝道士童顏鬚髮問其年生於
丙子蓋與予同求此詩

鏡湖勅賜老江東未似西歸玉局翁
夢斷清都宛在默存中每逢佳境携兒去試問流
年與我同自笑餘生消底物半篙清漲百灘空予與

劉器之同發虔州江水忽清漲丈餘贛石三百里無一見者至未和器之解舟先去予獨游清都作此詩

贈詩僧道通

雄豪而妙苦而腴祇有琴聰與蜜殊錢塘僧思聰總角善琴後

捨琴而學詩復棄詩而學道其詩似飯然而加雄故安州僧仲殊詩敏捷立成而工妙絕人遠甚殊辭穀常語帶煙霞從古少李太白云他人之女如

啖蜜氣含蔬笋到公無謂無酸香村乍喜聞簷蔔古井

惟愁斷轆轤爲報韓公莫輕許從今島可是詩奴
張競辰永康所居萬卷堂

君家四壁如相如卷藏天祿吞石渠豈惟鄴侯三
萬軸家有世南行秘書兒童拍手笑何事笑人空
腹談經義未許中郎得異書且共揚雄說竒字清

江滎山碧玉環下有老龍千古閑知君好事家有
酒化爲老人夜扣關留侯之孫書滿腹玉函寶方
何用讀濠梁空復五車多圯上從來一篇足

劉壯輿長官是是堂

閒燕言仁義是非安可無非非義之屬是是仁之
徒非非近乎訕是是近乎諛當爲感麟翁善惡分
錙銖抑爲阮嗣宗臧否兩含糊劉君有家學三世
道益孤陳古以刺今紬史行天誅皎如大明鏡百
陋逢一姝鶚立時四顧何由擾群孤作堂若是是
自說行坦途孜孜稱善人不善自遠狙願君置坐

右此語禹所謨

予昔作壺中九華詩其後八年復過湖口則
石已爲好事者取去乃和前韻以自解云

江邊陣馬走千峰問訊方知冀北空充物已隨清

夢斷劉夢得以九華爲造物一尤物真形猶在畫圖中道藏有五嶽真形圖

歸來晚歲同元亮却掃何人伴敬通賴有銅盆修

石供仇池玉色自瓊瓏家有銅盆貯仇池石正綠色有洞水達背予又嘗以

怪石供佛印師作怪石供一篇

次韻郭功甫二首

蚤知臭腐卽神奇海北天南總是歸九萬里風安

東坡全集 卷之三十三
稅駕雲鵬今悔不卑飛
可憐倦鳥不知時空羨騎鯨得所歸玉局西南天
一角萬人沙苑看孤飛

次韻法芝舉舊詩

春來何處不歸鴻非復羸牛踏舊蹤但願老師真
似月誰家甕裏不相逢

次舊韻贈清涼長老

過淮入洛地多塵舉扇西風欲汗人但怪雲山不
以色豈知江月解分身安心有道年顏好遇物無
情句法新送我長蘆舟一葉笑看雪浪滿衣巾

起聞米元章到東園送麥門冬飲子

一按清風直萬錢無人肯買此牕眠開心暖胃門
冬飲知是東坡手自煎

夢中作寄朱行中

舜不作六噐誰知貴璵璠哀哉楚狂士抱璞號空
山相如起睨枉頭壁相與還何如鄭子產有禮國
自閑雖微韓宣子鄙夫亦辭環至今不貪寶凜然
照塵寰

荅徑山琳長老

與君皆丙子各已三萬日一日一千偈電往邠容

東坡全集 卷之三十五
詰大患緣有身無身則無疾平生笑羅什神咒真
浪出

自陳華髮朝宣子嗔夫亦報眾至今不食寶真然
山昧呖呖即珠更整脉與影何吹溼千垂百豔因
鞞不計六器諧呖貴與番京浩或珠士酥糞齋空
夢中計寄米谷中老

冬煇呖長東楚手自煎西風欲汗人但怪雲山不
一對青風直萬途無入肯買此齋知開以親曾門
相向法新張聞米云章陸東園莊麥門冬煇子中

